

8° R

106

Sup

*Commiss. Jav. meen Loom
at Maita & Lirawia
Cat*

RÉSERVÉ



VE

Reserve

R Suppl. 106

1^{re} édition: Bâle
1578

à la fin du présent

volume: Vive

Description de
la tyrannie

RESOLUTION

IRE ET FACI-

question tant de fois
prise des armes par
eurs:

1102 geneve par.

EST MON-

1752
mes raisons, tirees de
divin & humain: qu'il
& licite aux Princes,
& peuple inferieur, de
pour s'opposer & resister
t é & felonnie du Prin-
ur, voire mesme neces-
le deuoir duquel on est
ys & Republique.

me de laual

REIMS,

ean Mouchar.

1577.

Samme de laual



Reserve

R. Sup.

1^{re} édition

15

n.B. à la fin du
volume:

Descri
la ty

RESOLVTION

CLAIRE ET FACI-

le sur la question tant de fois
faite de la prise des armes par
les inferieurs:

Ex libris Regieue fac Paris.
OV IL EST MON-

¹⁷³²
stré par bonnes raisons, tirees de
tout droit diuin & humain: qu'il
est permis & licite aux Princes,
Seigneurs & peuple inferieur, de
s'armer, pour s'opposer & resister
à la cruauté & felonnie du Prin-
ce superieur, voire mesme neces-
saire, pour le deuoir duquel on est
tenu au pays & Republique.

Susanne de laual

A REIMS,

Par Jean Mouchar.

1577.

Susanne de laual



Vbi neque iustitiam, neque fi-
dem, neque legem naturæ, nobis
præsidio esse videmus, quid nō ad
arma confugeremus?

O. D. L. N.

RESOLUTION CLAI-

re & facile sur la question tant de fois faite de la prise des armes par les inferieurs: où il est monstré par bonnes raisons tirees de tout droit diuin & humain, & par exemples des anciës, qu'il est permis & licite aux Princes, Seigneurs, & peuple inferieur, de s'armer, pour s'opposer & resister à la cruauté & felonnie du Prince supérieur, voire mesme necessaire, pour le deuoir, duquel on est tenu au pays & Republique.

EN ce temps (dit le Comique) le plaisir & seruice fait les amis, verité engendre haine. Toutefois la haine n'est pas la propre semence de la verité, car la malice ne

procede pas naturellement de ce
 qui est puremēt & simplemēt bon
 mais cela vient de la mauuaiſtié
 des hommes, lesquels ne ſe plai-
 ſent pas ſeulement en leurs vices &
 corruptions: ains voudroyēt bien
 que leur cruauté, ſelōnie, perfidie,
 deſloyauté, idolatrie, ſuperſtition,
 hypocrisie, violence, meurtre, pil-
 lerie, & toute iniuſtice fuſt apellee
 des noms, d'humanité, clemence,
 foy, deſloyauté, verité, religiō, mo-
 deſtie, innocence, liberalité, iuſti-
 ce & equité. Car que chaſcun re-
 garde & eſpie de bien pres les in-
 tentions de la plus part des hom-
 mes, qu'il examine les affectionſ
 d'iceux, à peine en trouuera-il vn
 de mille, qui ne cherche pluſtoſt
 l'ombre que le corps, la reputatiō
 d'eſtre

d'estre vertueux, que la vertu mesme, de là vient que voulât estre & réputé ce qu'on n'est pas, nous haïssons celuy qui nous monstre l'erreur ou nous sommes.

Tant y a que nous pouuons bien dire de nostre Monarchie, ce que disoit le Prophete Esaie de celle des Israelites: que tout le chef languist, que tout le cœur est amatti: que depuis la plante du pied iusques à la teste il n'y a rien en elle d'entier, mais blesseure, meurdrisseure & playe pourrie, lesquelles n'ont esté enuelopees, & n'ont eu emplastres, & ne se sont adoucies d'huile.

Car ores qu'au milieu de nous il s'en trouue quelques vns qui ayent le iugement bien poly, la lan-

gue bien ornee & diserte, ou il est
 question de discourir de la pieté,
 de la foy & religion, quād on voit,
 & que lon goustte par leurs fruietz
 qu'ilz ont le cœur rempli d'ambi-
 tion, d'auarice comblé de l'amour
 de leur propre plaisir & appetitz
 defordonnez, & consequemment
 vuides de crainte de Dieu, & de
 charité: si on dit que telles gens a-
 yent Dieu à le bouche, & le dia-
 bleau cœur, ce sera dire la verité.

Car cōme nous croyons ce que
 la parole de verité nous enseigne,
 asauoir que la où est l'amour, crai-
 te & reuerence de Dieu, là est aus-
 si le S. Esprit, & consequemment
 Dieu mesme: au contraire il est
 tout certain que là où est la haine,
 mespris, cōtemnement & blasphe-
 me

7
me de la diuinité, là est pareille-
ment l'esprit d'erreur & de men-
songe, & par consequent le diable
ennemy de Dieu & de ses œuvres:
ainsi que montre fort bien Chry-
sostome en l'Homilie de la Cana-
nee, voire encore qu'au dehors il
y ait la plus belle apparence du
monde.

Car les souilleures qui desplai-
sent à Dieu ne sont pas celles que
l'on voit à l'œil seulement, mais
celles principalement qui gastent
& peruertissent le cœur & esprit
de l'homme. Or le plus grād heur
que nous pourriôs attaindre, c'est
de plaire à Dieu, comme au con-
traire, c'est vn abyfme de ruine &
mort eternelle, que de luy desplai-
re. Car de la grace, faueur, & bon

plaisir de Dieu descoule sur nous
toute vraye vie & salut: mais le des
plaisir qu'il pr  d de nos rebelli  s
embrase ordinairement son cour-
roux, qui est pour nous engloutir
& deuorer, sinon que nostre enten-
dement se destourne du menson-
ge, pour retourner    la verit  , & no-
stre volont  , de malice & impiet  
pour embrasser sa bont   & cle-
mence.

Parquoy il est besoin, & du tout
necessaire, de ne plus nous flatter,
& nous plaire en noz vices, ains
de corriger & reformer nostre a-
me toute defiguree, selon la Loy
& volont   d'iceluy. Par ainsi que
chacun rougisse de sa honte, con-
fessant que le desordre que voy  s
en ceste miserable & ruineuse Mo-
narchie,

narchie , ne procede d'ailleurs,
 que du mespris & violement des
 lox diuines & humaines, que nous
 voyons faire par les conuouitises &
 debordemens, de tous les n èbres
 d'icelle en general , & de chacun
 en particulier.

Or il faut bien noter que com
 bien que l'hypocrisie, perfidie &
 desloyauté des Princes en la Re-
 publique, procede puremēt & sim-
 plement de leur cœur peruers &
 malin , Dieu cependant s'en sert
 pour chastier & punir la rebelliō
 & opiniaistreté d'vn chacun , ainsi
 qu'il est dit , Que c'est luy qui fait
 regner le Roy hypocrite , à cause
 des pechez du peuple. Ainsi pour
 oster le mal du milieu de nous , il
 faudroit qu'vn chacun cōmençast

à foy-mefme, combattant fon ennemy domestique, ceste concupifcence mauuaife : afin de l'affuictir à la raifon re formee en la foy & crainte de Dieu.

Mais il faut encores passer plus outre , car veu que nous ne fommes pas feulemēt nez pour nous, ains auffi pour la patrie , qui est (comme dit Cic.) nostre plus ancienne & faincte parenté : quand nous voyons en icelle que toutes choses s'en vont renuerſees & accablees , par les exces des hōmes felons & intolerables , qu'il n'y a plus d'eſtat ne de cōſeil entier, ne iugemens, n'image ou trace aucune de police & droiture : ſi à telle vrgente neceſſité nous ne luy tendons la main pour la ſecourir au poſſible,

possible, il n'y a personne qui nous puisse excuser du crime de parricide & perduellion. Car ceux-là ne sont point seulement meurtriers qui tuent & font le massacre, mais aussi ceux ou qui y consentent, ou qui le pouués empêcher, ne l'empêchent pas. Pareillement ceux qui voyent l'innocence & iustice assaillie & affligée en la police, quand ils la peuuent secourir, s'ils ne s'y emploient, il est certain qu'ils sont coupables d'iniustice.

Or j'appelle la patrie, vne police & communauté d'hommes associés par droit, soit en Monarchie, soit en Aristocratie, ou Democratie, fondée & établie sur certaines loix, vsages, & coustumes receues & approuuées de

tous à l'vtilité publique: Que si en telle police, le droit & authorité de commander est en la main d'un seul, les Grecs l'appellent Monarchie, & celuy qui y preside, Monarque, qui est en nostre langue seul & souuerain Prince.

Nous voyons dōc en ce subiect deux choses qui sont cōme la matiere & la forme, ascauoir, la personne qui est la cause de quoy, cōme Charles, ou Henry, & puis l'estat, qui est le droit de commander l'autorité & maiesté, la cause qui fait que la personne n'est plus cōmune, mais sainte & sacree: à laquelle, pour estre bon & fidele cytoyen de la Monarchie & communauté, il faut rendre seruice & obéissance, & dautant plus reuerement,

ment, que nous pouuons là contempler vn vif image de ce tres-grand, Eternel & souuerain Monarque de l'vniuers. Et quicōques y desobeit, doit estre tenu & puny comme seditieux & rebelle, non pas à vn homme seulement, mais à l'Estat, c'est à dire, à l'autorité, maiesté & puissance, & cōsequement à Dieu, dautant que telle dignité vient & depend de luy.

Toutesfois s'il aduient que la personne abuse de l'autorité, & du droit de commander, en cruauté & tyrannie contre l'Estat, comme de commander a l'vne des parties des citoyens, de tuer & massacrer l'autre, violer les matrones honnestes, forcer les filles, piller & saccager les maisons, & autres

telles impietez & enormitez, tant s'en faut qu'il faille en cela obeyr à la personne, que plustost le bon & fidele subiect de la Couronne doit employer tout ce qu'il a de puissance & de moyens pour la cōseruation de l'Estat, contre le debordement dyne telle tyrannie: & pratiquer chacun à son endroit le serment des Atheniens, qui estoit tel: Je combattray seul & avec plusieurs pour les choses sainctes.

Nous pourrions maintenāt faire quelque resolution du Probleme mis au commencement, par les raisons que nous auons produites cy dessus: mais examinons encores plus diligemment les termes de la question, afin que nous en soyons informez d'auantage. Car c'est le
 propre

propre de ceux qui veulēt traiter de quelque chose que ce soit, de commencer par la definition des termes de la chose dont il est question. Et cōme ceste premiere partie de raison expliquee ordinairement, & met sommairement en euidence ce que lon cherchoit, aussi ferme elle la porte à toutes objections que lon voudroit introduire pour obscurcir & renuerfer la verité, laquelle d'elle mesme est suffisante pour dissiper tous nuages d'erreur & ignorance, à l'endroit de ceux qui n'ont leur intelligence & volonté gaste & troublee de quelque passion vitieuse.

Or pource qu'il y a affinité si reciproque & mutuelle en ces deux termes, desquels la question est

cōposée, qu'on ne pourroit à peine rien dire de la forme & propre difference de l'un, sans montrer mieux qu'au doigt, la naturelle & principale qualité de l'autre, l'ordre requiert de declarer en premier lieu, que c'est du supérieur, quel il doit estre, & iusques où la puissance & superiorité se peut & doit estendre.

Cela posé, il sera bien aisé de iuger de l'inférieur & subiect, quel il faut qu'il soit, & iusques à quād il doit se contenir & demeurer en l'obeissance de son supérieur.

Or il n'est pas besoin de noter icy le mot d'auantage, car cōbien qu'il s'attribue à plusieurs (cōme nous auōs touché cy dessus) si est-ce, que la raison en est tousiours

une & de mesme, c'est que quiconque est legitiment orné de ce titre, comme il a droit de commander, aussi doit-il estre obey de ses suiez.

Il y a donc plusieurs especes de superieurs sous vn mesme genre, nature & condition, en ce qu'ils sont tous ordonnez & esleuez sur leur estat & police tout ainsi qu'est vn chef sur son corps, pour y presider, avec telle communion, proportion & mesure, que nous voyons celle du chef en son naturel & propre corps: & de fait, l'Etymologie & propre raison du nom, en quelque langue que ce soit, donné & attribué à la magistrature, se treuve de telle consequence, quand on le veut simplement examiner,

qu'on voit clairement par là, combien la personne est obligee & tenue de son deuoir enuers l'Estat, duquel elle porte le nom de chef & membre principal.

Car, en ce qu'ils sont appelez conseilliers, tuteurs, gouuerneurs, conducteurs & pasteurs du peuple, il est certain que ces noms là seroyent vains & ridicules, si leurs personnes ne seruoyent à la chose publique, de conseil, defense, gouuernement & conduite, & si d'affection paternelle ils ne procuroyēt le biē & salut du peuple: car celuy qui destruit & ruine, ne gouuerne pas, qui tue, pille, & saccege, ne nourrit pas: & par consequent, ne peut par bonne raison estre gouuerneur ou pasteur, autrement,
il fau-

il faudroit renuerfer toute doctri-
ne de verité, ores qu'elle ait son
fondement enraciné au sens com-
mun de l'homme, & dire que ce
qui est blâc est noir, que ce qui est
froid est chaud, que lumieres sont
tenebres, & generalemēt que men-
songe est verité. Voila quant au
nō. Passons maintenāt à la chose.

Je laisseray plusieurs differēces,
desquelles Aristote dispute à sa fa-
çon, c'est à dire fort doctement &
gauemēt, en ses Politiques, & me
contenteray d'une qui me semble
tres-raisonnable, & sur toutes con-
uenable à ce propos. C'est que le
Roy est celuy, qui comme person-
ne publique, ne veut, ne fait, & n'at-
tente rien de sa propre volōté, si-
non entant qu'elle est appuyee &

fondee sur la raison vniuerselle,
admonesté par la propre conscien-
ce de ceste dignité Royale, que ce
n'a pas esté l'ambition populaire,
qui ait fait esleuer l'Estat au com-
ble de telle maiesté, mais la mode-
stie, esproueuee entre les bõs & ver-
tueux, lesquels se sont volontaire-
ment soumis à vn qui leur seroit
comme la bouche des loix, & bon-
nes disciplines.

*Si qu'un tel personnage & Mo-
narque fidelle,*

*Espargnast le suiet, & domptast
le rebelle.*

Car ceste societé populaire est
cõme vn corps ciuil, duquel la iu-
stice est l'ame, les loix, les facultez
de l'ame, & le Roy, la bouche des
loix : car les loix seront tousiours
muettes

muettes sinon que le Roy les face
 parler. A quoy regardant le Iurif-
 consulte a dit, que la volonté du
 Prince, est tenue pour loy, d'autât
 qu'elle est la raison & iustice mes-
 me. Car tout ainsi qu'au chef resi-
 dent les deux principales parties
 de l'ame, a sçavoir, l'intelligence &
 la volonté, lesquelles doiuent, com-
 me maistresses, assuiection & tenir
 en bride les affections & appetits
 desordōnez, que ce nourrisson sau-
 uage & rebelle animal (comme dit
 Platon) produit en l'ame, & mena-
 ce l'homme de ruine & perdition,
 s'il s'abādōne a debordemēt im-
 petueux de sa concupiscence: aussi
 le Roy premierement est, comme
 la volonté, & puis les loix, comme
 l'intelligence en ce corps politi-

que ordonné de Dieu souverain Monarque, à ce que l'impiété, l'injustice & iniquité n'altère & corrompe cest animal civil. Mais cōme la volonté n'est plus ce qu'elle estoit, quand elle a perdu la raison sa compagne (car la raison comme dit Aristote, est la forme de la volonté) ainsi quand le personnage public n'a plus la foy, la loy & l'universelle raison de son costé, il n'est plus ce qu'il estoit, ains défiguré cōme vn monstre, & ne plus ne moins qu'un suiet quand il a perdu sa forme.

Or nous auons maintenant certains argumens pour nous resoudre sur la questiō proposee, car il est necessaire, puis que l'une des parties demeure, que l'autre s'en
alle

alle bas. Je veux dire, que pour biē
 asseurer & cōseruer la Monarchie,
 il est necessaire de s'opposer & re-
 ietter la tyrannie. Car quelle socie-
 té peut auoir le bon & vertueux
 citoyen avec le tyran? ou quelle
 separation & distract on pourroit
 en voir plus grāde? mais tout ainsi
 (dit Cicero) qu'on retrēche quel-
 ques membres au corps si le sang
 & l'esprit vient à defaillir, & qu'ils
 nuisent aux autres parties: ainsi v-
 ne telle beste farouche & cruelle,
 en figure d'hōme, doit aussi estre
 separee & conquestree du corps
 de la societé humaine.

Or la difficulté est en la diffé-
 rence des deux. Car, il n'y a per-
 sonne qui voulust, ou qui peust le-
 gitimement dire, que ce fust chose

licite de prendre les armes contre
 vn Roy. Aussi croy-ie qu'il n'y a
 personne, ou si abesti, ou de iuge-
 ment si peruers, qui ne cōfesse que
 ce soit chose licite, de s'armer
 pour s'opposer & resister à la fu-
 rie & forcenerie d'un tyran selon
 & intolerable. Nous confesserons
 donc ceste negatiue, que nous sou-
 stenons aussi estre tres-veritable,
 ascauoir, Qu'il n'est licite de s'ar-
 mer contre le Prince: mais cepen-
 dant qu'il nous souuiēne tousiours
 de ce qui a esté par cy deuant dit,
 afin qu'on discerne diligemment,
 celuy qui prend les armes pour le
 Prince, d'auec celuy qui les prend
 contre. Car cy apres auoir trouué
 ces marques, nous sommes aussi
 flectris du crime de rebelliō, nous
 som-

sommes les premiers qui voulons
& entendons condamner & nous
& nostre party.

Or aujourd'huy côme ceux qui
se disent l'Eglise ne le sont pas
pour le dire, mais ceux qui estans
examinez à la regle de l'Eglise,
comme l'or à la pierre de touche,
se trouuent auoir les vrayes mar-
ques d'icelle, serôt iugez estre l'E-
glise, ainsi faut-il examiner de plus
pres, que c'est de s'armer contre
le Roy, ou de porter les armes
pour le Roy, sans s'arrester à ce
qui apparoit de prime face.

Car les Philistins auoyent bien
l'Arche avec eux, & n'estoyét pas
pour cela l'Eglise, & quand mes-
mes ils l'eussent portee en leur
camp, leur armee n'eust pas esté

pourtāt l'armee d'Israel. Il est dōc
 necessaire qu'il y ait d'autres mar-
 ques. Et qu'ainsi soit, posons le cas
 qu'un Roy devienne melancholi-
 que: si durāt sa maladie il veut, ou
 plustost ceux qui sōt pres de sa per-
 sōne, executer à main armee, quel-
 que chose qui preiudicie à tout le
 peuple: si quelquun s'oppose à des
 monstres si meschans, qui se cou-
 urant du manteau du Roy, (com-
 me on dit) veulent ruiner un Estat
 de tout point, ou en la meilleure
 partie: dirons-nous que ceux là
 portent les armes contre le Roy?
 mais plustost ne les portent-ils
 point pour le Roy?, quant à ceux
 qui sont si corumpus d'entende-
 ment, & de iugement si peruers,
 d'oser dire, qu'un Roy ait puissan-
 ce de

ce de faire tout ce qu'il luy plait,
ainsi que disoit ceste effrontee à
l'Empereur Caracalla montre
tres-cruel & incestueux, lors que
le prouocant à commettre inceste
auec elle, par son sein qu'elle luy
montroit descouvert, il luy dit, Je
le voudrois s'il estoit licite. Il t'est
licite (dit-elle) s'il te plaist, ne scais
tu pas que tu es Empereur, & que
c'est à toy de donner la loy, & non
de la receuoir? ores que les Prin-
ces sachent bien qu'on les flatte,
& que ce propos est damnable &
pernicieux, toutesfois comme la
nature est deprauee, ils ne laissent
pas de prédre plaisir en telles cho-
ses & de s'en rire, ainsi qu'Alexan-
dre voyant son sang demandoit à
ses courtisans en se moquant qu'il

leur en sembloit, & si les dieux auoyent du sang.

Mais que fera-ce, si ie montre que si ceste opinion est receue par les Princes, elle amene avec soy la ruine toute certaine de leur Estat: que s'il est ainsi que ce que les Roys craignent le plus, c'est le renuersemēt de leur Royaumes, comme aussi il est à craindre, non seulement pour eux, mais pour tout le peuple aussi. d'autant qu'il n'aduiet iamais qu'il ne traine quand & soy vn grand deluge de maux: il s'ensuyura que tels sont semblables aux maniacles & insensez, qui tiennent tels propos, qui sont non seulement dignes de punition, mais de mort, comme ennemis mortels des Roys & de leurs Estats: aussi
bien

bien qu'un Medecin, lequel obeissant aux cōplexions d'un Roy malade, au lieu d'une medecine luy presenteroit la poissō. Mais ie veux premierement combatre contre ceste vermine, qui s'est de tout temps auancee pres les Roys: puis ie passeray plus outre.

Je leur demande donc si eux-mesmes voudroyent obeyr indifferemment à tous cōmandemens, qui se feroient sous le nō du Roy: s'il estoit commādē que tous Admiraux, Mareschaux, & Capitaines quittassent leurs charges, que tous Conseilliers du priuē Conseil, nez comme les Pairs, & autres Magistrats, se demissent de leurs offices, ainsi qu'en fit Heliogabale du Senat: aussi qu'un Roy voulust fai

re administrer tous les Estats par des femmes, l'endureroyent-ils?

Si vn Roy, ou ceux qui abusent du Roy, vouloyent, que tous Nobles fussent vilains, & tous vilains Nobles, & qu'ils voulussent priver tous Cétils-hommes de leurs fiefs, & tous nabots de leurs vignes: n'y auroit il personne qui s'y opposast? & si quelqu'un si oppofoit par la force des armes, dirions nous qu'un tel prèdroit les armes contre son Prince?

Je leur demande encore, s'il n'y a defense aucune qui soit permise de droit diuin & humain à l'innocence quand elle est outragée? S'era ce donc en vain que nature aura plâté au cœur de tous animaux un desir & affection de cōserver & defen-

defendre leur vie? Faudra-il que la fille de famille quand elle sera forcée par quelque ruffien se taife, que si elle crie à l'ayde & au secours contre la violence, sera-elle feditieuse pour cela? sera-ce elle qui troublera la cité? Si vn pilleur, voleur, & massacreur, vient furieusement en la maison du citoyen, pour luy oster la vie, violer sa femme, fourrager & saccager sa maison, & que le citoyen s'arme pour resister à la cruauté, felonie, & outrage du brigand, A vostre aduis, lequel des deux aura pris les armes contre le Roy?

Y a-il ame si vuide d'affection naturelle, si despouillee de toute humanité, qui puisse voir sans compassion la rage d'vne tyrannie es-

frenee, qui violât la foy iuree, rompant la loy & tout ce qu'il y a de droit de iustice & equité se moquaft & fouillaft toute authorité de Magiftrature, & espendift par tout le Royaume le fang d'une infinité d'innocens.

Si dōc en telle furieufe torme te parmy tant de vagues & flotz perilleux d'une mer de tyrannie, aucuns de ceux qui reftēt en ceste Monarchie, comme dedans vne nauire cassee & rompue de toutes pars, ont recours aux moyens extremes pour se fauuer & efchapper de tels orages & tempestes de toute impieté, iniustice, infidelité, desloyauté & massacre, feront-ils reputez & tenus ennemis de l'Estat, veu qu'il ne peut aucunement demeu-

demeurer entier, sinon que la iustice y soit soustenue & conseruee? Faut-il obeyr à celuy qui se veut desfaire soy-mesme? Sera-ce mal fait de l'empescher de commettre vn tel parricide? Certes telles gēs sont ou du tout ignorans & estourdis de ne voir ceste consequence, ascauoir, si la personne est pour l'Estat, & que l'Estat soit soustenu & conserué par les loix, que celuy qui s'arme pour les loix, s'arme à vray dire pour la conseruation de l'Estat, & consequemmēt de la personne en qualité de Roy. Ou, s'ils la voyent, certes ils sont à condamner d'vne malice deploreē, d'autant qu'ils combattēt contre la verité conue, qui est vn crime de lese Maieſté Diuine.

C

Mais encor s'ils sont si grossiers
 & hebeiez d'entendement que toutes ces raisons ne puissent rien gagner sur eux: nous produirons icy quelques exemples de nos predecesseurs, pour montrer comment ils se sont portez en tel affaire, ascauoir, quand il a esté besoin de s'opposer aux entreprises qui se faisoient contre & au mespris de l'Estat, afin que nous essayons si ces Pisistratides pourront estre esmeus d'auantage.

Premierement, ce que nous lisons de Monsieur, lors Daulphin, & depuis Charles septiesme, Roy de France, qui à l'aide de messire Tanneguy du Chastel, empescha par la voye des armes, que le don du Royaume fait à Madame Catherine

therine sa sœur, par s^{on} pere Charles cinquieme, en faueur de mariage avec le Roy d'Angleterre n'eust lieu: diront-ils en cela qu'il ait esté ennemy du Roy, ou qu'il ait leué les armes cōtre l'Estat? Et ceux qui suyuront son party en ceste cause, sont-ils demeurez pour cela degradez de leur noblesse?

Mais ils diront, peut estre, que le Roy estoit melancholique, ie le confesse: mais aussi confessent-ils desia par là, que s'armer contre le Roy priué de son sens, n'est pas s'armer contre le Roy.

La bonne femme, qui n'auoit point d'autre moyen pour se reuenger du tort qui luy estoit fait, fit elle mal, quand elle appella de Philippe yure, à Philippe sobre?

Que respondront-ils à cela ? Elle scauoit bien neantmoins que Philippe estoit souuerain Magistrat & qu'elle n'appeloit de Philippe, ains de Philippe yure.

Mais il y a plus en ce fait. Car cest accord fut iuré par les principaux officiers de la Couronne, ratifié par ceste grande cour de Parlement, qui tient (comme elle dit) l'escrin du Royaume en son estomach, approuué par ce sage peuple de Paris, tant bien affectionné au seruice de son Prince, qu'il procura luy-mesme cest accord, canonizé par la S. Sorbõne, qui ne peut errer. Or si le Roy estoit malade, on ne peut nyer que ce ne fust par interualle, & pourtant ceste exception n'a point de lieu, comme les appren-

aprentifs en droit entendent fort bien. Que diront-ils dōc? ou Monsieur fit bien de garder son droit, ou il fit mal. S'il fit mal, à quel titre dirōt-ils que nos Roys regnēt aujourd'huy, qui sont heritiers de ceux qui l'accompagnoyēt, & qui furēt declairez rebelles, seditieux, attains de crime de lese Maiefté? que si avec cela ils eussent esté Huguenots, c'est sans doute qu'ils eussent esté les plus meschās du monde. S'il fit bien, & neātmoins print les armes cōtre son Prince, il s'en suyuroit qu'on pourroit prendre les armes cōtre son Prince & bien faire tout ensemble.

Il est donc necessaire puis qu'il faisoit biē, qu'il prenoit les armes pour son Prince, encores que le

Roy fust de l'autre costé. Et de fait
 ie voudroy scauoir si ces Gentils-
hommes François, qui sont de ra-
ce de tant de gens de bien, qui de
ce temps-là garderent Melun, con-
tre les forces cōduites par le Roy
 en personne, pensent que leurs pre
 decesseurs qui sont à iamais loua-
 bles, doiuent estre notez de crime
 de perduellion & lese Maiesté. Je
 croy qu'il n'y en a point de si la-
 sches qui voulust confesser ceste
 tache en sa maison.

De là, il s'ensuit dōc qu'un Prin
 ce se peut armer en quelque cas
 contre ceste puissance qui se cou-
 ure du manteau du souuerain : &
 toutesfois ne prend point les ar-
 mes contre son Seigneur. Mais
 nous verrons encores ce poinct
 bien

plus esclairey sans comparaison cy
deffous.

Or si nous discourons la pre-
miere cause & source de ceste di-
uision que nous auons cy deffus
touchée, l'exemple semblera plus
estrange: car on scait que pour rai-
sō des querelles de la maîsō d'Or-
leās & de Bourgōgne, il y a eu vne
infinité de grosses guerres en ce
Royaume, voire les plus dangereu
ses qui iamais ayent esté, & qui fai
gnēt encores aujourd'huy. Or est-
il, que non seulement la memoire
de Monseigneur d'Orleans, tué
meschamment, (suyuant la coustu-
me de Lorris, ou, cōme lon dit, le
batu paye l'amende) fut condam-
née par le Roy & ceux qui le posse-
doyēt, comme elle le fut aussi par

la Court de Parlement: mais ses heritiers aussi declarez incapables de pouuoir iamais succeder à la Couronne. De là s'ensuyuit vne grande & longue guerre, d'une part estoient Mes Seigneurs d'Orleans, de Berry & de Bourbõ:& de l'autre, le Roy, Messeigneurs d'Aquitaine aîné de Frâce, & le Duc de Bourgogne. Ceste guerre fut de duree, & eut diuers euenemēs, toutesfois Monseigneur de Berry se trouua assiegé à Bourges, par l'armee nômee l'armee du Roy, conduite & commandee par Monseigneur d'Aquitaine: mais l'assiegé sceut bien respōdre que ce n'estoit pas au Roy à qui il faisoit la guerre, ains aux ennemis du Roy.

La

La fin de ceste tragœdie fut le mariage duquel i'ay parlé cy dessus. Que ditons nous icy? Ceste volonté du Roy sera elle suyvie, ou non? si elle est suyvie, la maison d'Orleâs est priuee de la Couronne, la race masle de Bourgongne, estât esteinte au Duc Charles qui fut tué à Nancy: celle de Berry lōg temps a, & celle d'Aniou, à regné du temps de Louys onsième: Ne void-on pas que ces bōs flatteurs sans y penser mettent la Courōne sur la teste de Mōseigneur de Vendosme, Roy de Nauarre, & toutes fois il se trouue infinis arrestz, lettres patentes & declarations à ceste fin: & qui pis est, à ce que ces pources gens partisans de maison d'Orleâs, eussent tous leurs sacre-



mens, ils furent excommuniez de par nostre S. Pere, & estoient si fots en si bonne cause de laisser les corps de leurs compagnõs morts sans les honorer de sepulture.

Et combien qu'aujourd'huy ne nous, ne nos aduersaires, ne faciõs pas grand cas des foudres de Rome: toutefois on fait qu'en ce tẽps là vne part estant condamnée par le nom du Roy, par le priué Conseil, par les Parlemens, & avec cela excõmuniez, en apparence leur cause estoit beaucoup plus condamnable que la nostre.

Si dõc Messieurs d'Orleans, de Berry & de Bourbon, firent bien de s'armer: il s'ensuit, puis que s'armer contre le Prince, & s'armer comme il appartient, sont du tout incom-

incompatibles, que les Ducs s'armerent pour le Roy & non cōtre: Que peuuent-ils donc respondre à cela?

Car il faut ou qu'ils confessent que le Roy doiue estre ietté de la Couronne, ou que les armes furēt bien prises par son grand bisayeul le Duc d'Orleans: ils diront que la force estoit du costé de la maison de Bourgongne qui possedoit le Roy & la Royne, que les Parisiens ennemis ordinaires du bon party, estoient de sa part: ce que ie leur accorde. Mais toutesfois on ne peut autre chose respondre, sinon que quand la force est d'un costé, & la iustice de l'autre, il faudra iuger, que celuy qui combat pour la iustice, cōbat pour le Roy, & que

s'armer pour le Roy & pour la iustice, c'est tout vn de quelque part que soit le Roy, quāt à sa persōne.

Car si la Republique ne veut qu'un particulier se perde, d'autāt qu'il y va de l'interest public: combien moins deuons-nous endurer qu'un Roy face telle faute que de se ruiner soy-mesme, & principalement en nostre Royaume, auquel vn Roy ne se peut dire propriétaire, ains administrateur seulement de son bien: non plus que comme disent les Canons vn Abbé du sien. Tellement que ses heritiers ne sont tenus de ses faits & promesses, sinon d'autant qu'elles sont au profit du Royaume.

Et de fait nous auons veu pour moindre occasion les armes prises
par

par le Prince: comme du temps de
 Charle huitiesme, le Duc d'Or-
 leans, qui depuis fut Roy s'arma
 pour empescher que le Royaume
 ne fust gouuerné par vne femme,
 fille & sœur de Roy: dautant qu'il
 estimoit que la terre Gallique ne
 deuoit non plus estre gouvernee
 que possedee par fême. Il fut vain-
 cu, mais cela n'a pas empescé que
 par le iugement de tous bōs Fran-
 çois, & de toutes les natiōs estran-
 geres, il n'ait esté grâdemēt loué,
 & que plustost sō ieune aage n'ait
 augmēté sa reputation pour l'en-
 treprise d'une si bonne cause.

Quoy qu'il en soit, les histoires
 anciennes, & ce que nous en voyōs
 deuant nos yeux, nous montrent
 assez, qu'Antoine Roy de Nauar-

re en a mal vsé, quand il permit
 qu'une femme nous gouvernast.
 Car ores que les Lorrains luy a-
 yēt tousiours commadé à baguet-
 te (comme on dit) & qu'elle sente
 en ceux de Paris, que ce que dit
 Tite Liue est vray, ascauoir, quil
 faut qu'un peuple obeisse seruile-
 ment, ou qu'il cōmande insolem-
 ment: nous voyons que ce bon &
 singulier esprit d'Italie nous a fait
 espādre assez de sang & de larmes,
 pour faire vne bien grosse riuere.
 Je scay bien, que la plus part des
 Roys, à cause de leur mauuaise
 nourriture & conseil pernicieux,
 trouuent meilleur ce qu'il leur
 plaist, que ce qui leur est necessai-
 re & profitable, reçoquent le plus
 souuēt des propos & mauuais ad-
 uertis-

uertiffemens, & que comme Alexandre ils aimēt mieux l'idolatrie d'Ephestion, que la syncerité d'un Clite : c'est à dire, d'estre flattez, que d'estre bien conseillez. Mais cōme il nous en prent en nos maladies, esquelles nous prenons le breuuage quoy qu'il nous semble amer: aussi les Roys bien conseillez endureront plustost que ceux à qui il appartient, leur resistent, quād leur gouuernemēt sera malade, quoy que ceste medecine leur fache pour quelque temps, que de voir en fin leur Royaume renuersé, pour faute d'auoir de bonne heure preuenu le dāger d'une tref certaine ruine. Il est vray qu'un Roy pense tousiours estre assez sage, & auoir du sens suffisamment

pour gouverner son Estat, ce qu'il ne faut point trouuer estrāge, quād le moindre de ce monde pense auoir tāt de part au Royaume d'entendement, que d'en auoir assez non seulement pour luy, mais aussi pour tous les compagnons.

Il y a plus encores, c'est, que les Roys ont tousiours pres de leurs personnes vn amas de flateurs, qui aydent biē à leurs en faire croire. Mais, quād l'expēiēce nous monstre que tāt de fautes ont esté commises au gouuernemēt, voire par les plus aduisez: & principalement quand ils se sont cōduits par leurs iugemens & aduis: pourquoy ne confesserons-nous franchement, qu'un Roy peut faire quelque chose contre sa Couronne. Et certes
si Mes-

si Messieurs d'Orleans & de Berry
 eussent laissé mennager la maison
 de Bourgogne avec le Roy, l'issue
 a assez montré, que le Roy & le
 Royaume n'y eussent gaires gai-
 gné : & mesmes Paris qui ne cer-
 choit autre chose qu'à faire tom-
 ber le Royaume entre les mains
 de l'estranger, sinon qu'elle crai-
 gnoit à la longue n'estre pas assez
 forte pour faire teste toute seule :
 & n'y a doute puis qu'elle se por-
 toit si mal enuers son Roy, qui ne-
 antmoins le vouloit ainsi, qu'elle
 n'eust fait aussi difficulté, de s'em-
 parer de l'Estat, si ses forces euf-
 sent esté suffisâtes pour vn tel fait.
 Et iagoit que les Roys fussent as-
 sez sages, si est-ce que les exēples
 nous preuent que les Roys sages

ne laissent pas souuent des successeurs si bien conditionnez qu'eux: mais comme és saisons, il y a vne suyte ordinaire de chaud & de froid, aussi y a il aux gouuernemēs quasi vne perpetuelle vicissitude de prudence & imprudence.

Mais laissant à part les experiences, ie demanderois volontiers, pourquoy en France nous tenons inuiolablement ceste reigle, que le Roy n'est que simple administrateur de la Courōne. Les estrangers disent que ce n'est qu'une eschapatoire: mais quāt à moy, certes ie trouue ceste loy tres bien fondee, cōme aussi, que le domaine de la Couronne soit inalienable, & que les donations effrences soyent moderees, & croy qu'il n'y a hom-

a homme qui voulust contredire à ces trois poincts, sinon ceux qui y ont interest, voire au detrimēt du public. Mais ie vous prie, quel besoin estoit-il de Lox, si le Pape ne peut errer: & si tout ce que fait vn Roy doit estre tenu pour biē fait? Si à tous propos nous retrenchōs du temps de l'heritier, ce qui a esté fait par les predecesseurs, il appert par là que l'autorité d'un Roy n'est point telle, qu'ō ne puisse & doive aller à l'encontre par bons & iustes moyens.

C'est la raison pour laquelle il n'y eut iamais Royaume estably auquel n'y eust quelques Estats qui eussent puissance d'empescher les Princes, non pas de faire ce qu'ils veulent, mais de ce que ceux

qui les possèdent, voudroyent entreprendre contre le pays, c'est à dire, contre les Roys mesmes. Et ie voudroy que nostre Noblesse examinast de plus pres l'Estat des Royaumes de Castille & d'Arragon, desquels sont si fort affectionnez seruiteurs ceux qui tiennent aujourd'huy les affaires en main. Ils cognoistroyent lors l'arrogance Espagnole, qui appelle le Roy, Roy des bestes, & verroyent que c'est, voire cognoistroyent que nous ne faisons pas de nostre Roy comme ils font du leur, auquel ils commādent tout ainsi que fait vn Escuyer à vn Page ou quelque Pedan à son Messer Fabio: veu que s'il y a au monde vn Roy, à la verité c'est en France qu'il est, car il
a de

a de puissance par les loix ce que
vn Monarque en peut auoir, & est
sans difficulté qu'il en a tant & au
gré & contentement de la Nobles
se, & n'en pourroit gueres prédre
dauantage, sinon que sa grandeur
degenerast en tyrannie.

Je dis dōc que si nos ancestres,
lesquels ont eu en telle reuerence
le nom sacré de Roy, ont mis ne
ant mois quelque barre, non point
aux Roys, mais à quelque puissan
ces desbordee, laquelle se couurāt
du nom du Roy, auançoit autant
la ruine du Roy mesme, que suspe
ctemēt elle faisoit nōmer ce nom
de Roy: en cela ils ont fort bien
fait, voire & pour le profit mesme
des Roys. Parquoy il s'ensuit de
là que combien qu'il puisse sem-

bler d'abordee amer à vn Roy,
toutesfois qu'il luy est tref neces-
faire d'auoir des loix, par lesquel-
les il se gouuerne: autrement les
alienations, donations, & profu-
sions excessiues espuiseroyēt bien-
tost le fond du Royaume:& les in-
iustices & cruautez de plusieurs,
qui couchent du Roy, à tous pro-
pos, satisfaisant sous ceste couuer-
ture à leurs passions & vengeâces,
ameneroyent en brief la ruine du
Roy & de la Couronne.

C'est pourquoy en toutes cours
nous plaidons cōtre le Roy, & gai-
gnons plus de causes que luy: car
si sa puissance estoit absolue, il fau-
droit seulement luy dire, Prenez.
Or il n'y a personne, qui ne iuge
que ceste licēce, ne seroit pas mes-
me

me proufitable au Roy: car quand
 les hommes ne s'y opposeroyent
 pas, Dieu feroit bien trouuer ce-
 ste sentence veritable, Que les
 Royaumes sont transferez à cause
 de l'iniustice. Ne voyōs nous pas
que Roboam pour auoir mespri-
sé le conseil des vrayz & legitimes
Conseilliers du conseil priué, &
pour auoir pris plaisir aux propos
de quelques estourdis, en perdit
les deux tiers de son Estat & d'a-
uantage? Ce que tous les Payens
 mesmes ont bien veu, comme Se-
 neque qui dit. *Vbi nō est pudor, nec. s.*
vis iuris, sanctitas, pietas, fides, in-
stabile regnum est. C'est à dire, que
 là où il n'y a point de vergongne,
 ny force aucune de droit & iusti-
 ce, ne saincteté, ne pieté, ne foy, là

est le Royaume mal assuré. Et Ci
 ceron en l'Oraison pour Murena:

*S. ius inquit, non potest amitti sine in-
 commodo ciuitatis, & puis encore*

*S. en celle pour Cecinna: ius civile
 contemnens, vincula non modo iudi-
 ciorum, sed etiam utilitatis viteque
 communis reuellit. C'est à dire, que*

le droit ne peut estre perdu sans
 le detrimēt de la communauté, &
 quiconque mesprise le droit ciuil,
 il arrache non pas seulement les
 liens des iugemens, mais aussi de
 l'vtilité & vie cōmune. S'il est dōc
 ainsi que les Royaumes ne peuuēt
 estre mieux cōfermez que par cest
 ordre, & que les Roys mesmes cō
 fessent, que ce qu'ils desirēt le plus
 c'est vn ferme establisement de
 leur Estat: ils s'ensuit donc (comme
 on dit

on dit, que crainte est vne mau-
uaise gardienne de diuturnité, la-
quelle toutefois est tousiours cou-
chee à la porte d'une puiffance ab-
solue) que les Roys mesmes doi-
uent desirer, non ce qui est doux à
la bouche, mais ce qui est salutai-
re au cœur.

Or si en choses de moindre cō-
sequence ils veulent que les cham-
bres des Contes retrenchent les
donatiōs immenses, que les Cours
de Parlemens empeschent la le-
cture & interinement des ordon-
nances iniques, & lettres inciuiles:
combien plus quād quelques me-
nees se proiettent, s'auancent &
mesme s'accomplissent, qui ruinēt
leur Estat? Car comme Vulpian
dit, que celuy est vrayement per-

duelle qui a le cœur ennemy: aussi on iugera celuy estre rebelle, qui combat directemēt cōtre la Couronne, quelque pretexte qu'il puisse prendre: veu que nous voyons qu'es dissensions ciuiles, communément ceux qui ont mauuaise volonté, pendāt que les bons ne pensent point à telles choses, gaignēt le deuant & finement ayans escarté leurs aduersaires, s'emparent & s'aydent fort bien des Roys. Tel est le iugemēt de Ciceron en l'Oraison qu'il a faite, luy Consul, & en la presence du peuple, c'est à dire, pour Rabirius accusé de perduellion, à raison de la mort de Saturninus Tribū du peuple. Il faut donc conclurre par ces raisons cy dessus produites que celuy est à la
verité

verité rebelle, sedicieux, perduelle
& criminel de lese Ma. esté, qui s'ar
me contre la Couronne, quelque
part que soit la personne du Roy
arresté, soit à Lyon, soit en Aui
gnon, soit à Reims, lié de chaines
de fer, ou de chaines d'or, sain ou
malade, consentant ou dissenant.
Car comme Alexandre reconut
bien avec tres-grand regret, d'a
voir mal fait au parricide de Cli
tus: aussi les Roys, quand ils serôt
reuenus à leur bon sens, iugeront
bien qui leur aura fait seruice ou
non.

Quant aux suiects il est certain
qu'il ne leur est pas licite depren
dre les armes indifferemment, si
non ou, & quand la loy leur per
met: mais tout ainsi comme en la

iustice les Cours souueraines doi-
 uent mettre la vie, ainsi que fit Pa-
 pinianus quand il ne voulut excu-
 ser le parricide de Caracalla, ou
 leurs Estat, ainsi que fit le Chan-
 celier sous Constance, qui rendit
 son baudrier: ou pour le moins e-
 stre prests de le faire, ainsi que la
 Vaquerie Presidēt sous Loys on-
 sielme, & cependant ne point ou-
 blier ce qui est de leur charge, a-
 scauoir de remonter & descrire:
 aussi c'est sans doute que les Prin-
 ces nez, les Pairs, si aucuns y en a-
 uoit, (cōme il y en a vn, a scauoir,
 le Roy d'Espagne, à cause de son
 Compté de Flāndres, si par sa per-
 duellion & felonnie il n'en estoit
 decheu) les principaux officiers
 de la Couronne: si dy-ie ils rece-
 uoyent

uoyent cōmandement qui fust de
 telle consequence que la ruine de
 l'Estat s'ē ensuyuist, que deuroyēt
 ils faire? Comme pour exemple,
 quād ce Roy qui ne fut iamais sim-
 ple, que ceste fois là, qu'il alla lo-
 ger si près de la tour, ou son sim-
 ple predecesseur estoit mort, s'il
 eust esté bien seruy, n'eust-il pas
 esté empesché par ses officiers? au
 moins s'ils en eussent esté auertis
 au parauant. Combien fit mieux
 le Mareschal de Bourgogne, le-
 quel voyant que son maistre le
 Conte de Charolois se perdoit à
 son escient, remontra si ce ieune
 Prince se vouloit perdre, qu'il de-
 uoit au moins conseruer son ar-
 mee: il conoissoit que les forces
 qu'il auoit en main, estoient à l'E-

stat, & non à vn homme seulemēt,
auquel neantmoins il auoit le ser-
ment.

Le demanle donc si vn Gentil-
hōme François qui aura cest hon-
neur que d'estre ou Connestable,
ou Mareschal, ou autre officier
de la Couronne, void que son
Roy vueille degrader de noblesse
tous les Gentils-hommes de son
Royaume, donner leurs fiers &
leurs femmes à des estrangers, que
fera il en tel fait? & s'il y a vn Lor-
rain, vn Espagnol, ou quelque au-
tre que ce soit, qui corne ces bel-
les loix au Roy, qui ait secretes in-
telligēces dedās & dehors le Roy-
aume, qui finalement à main armee
de coniurez, vueille executer vne
si meschante entreprise, demeu-
rera-il

rera-il en sa maison? mais qu'il sou-
uienne aux principaux officiers
de leurs sermens, & ils trouueront
que le sermēt qu'ils ont presté au
Roy & à la Courōne, est pour les
deux coniointement. Or s'il est
ainsi que faire seruice au Roy c'est
faire seruice à la Couronne: & fai-
re seruice à la Couronne, est faire
seruice au Roy: il s'ensuit, que ce
Connestable, Mareschal, ou autre
officier, ayant semblable sermēt,
ou naturel comme le Prince, ou
donné comme l'officier, en s'op-
posant à telles executions, s'il fait
seruice à la Couronne, il fait aussi
seruice au Roy: & si le Lorrain, l'I-
talien, ou quelque autre de mesme
farine blesse la Couronne, il bles-
se pareillement le Roy: ou bien il

faudra dire que l'vn combat pour
 la Courōne, & l'utre pour le Roy,
 ce qui est impossible comme nous
 auons clairement monstré cy des-
 sus. Et quand ceste question s'of-
 friroit, il est certain qu'ō iugeroit
 plustost que celuy qui cōbat con-
 tre la Couronne ores qu'il ait tiré
 le Roy de son costé est perduelle
 & rebelle à sō Roy, que celuy qui
 combat pour la Couronne. Mais
 faisons les Roys mesmes iuges de
 ce que nous disons, s'en trouuera-
 il vn entr'eux qui ne trouue bon,
 voire qui n'approuue grandement
 Δ la reiection de Sardanapale: le ban
 Δ nissement des superbes Tarquins:
 Δ l'arrest & le Senatuscōsult qui de-
 Δ clara Neron ennemy de la Repu-
 Δ blique: la mort des Gracches: &
 de

de nostre temps le despouillemēt
 du Duc de Sauoye, & la depositiō
 de Christierne Roy de Danne-
mark: mesmes la prison de Marie
 Roïne d'Escōce condamnée par
 les Estats du Royaume: que s'ils
 n'approuuent tels faits, ie ne scay
 pas à quel titre aucun d'eux pour-
 ra dire qu'il regne iustement. Car
 il s'en trouuera bien peu de ceux
 qui regnent aujourdhuy qui ne
 foyent entrez par ce chemin, & ne
 faut point qu'ils craignent que le
 semblable leur aduienne. Car ce-
 pendāt que la iustice sera leur or-
 nemēt, Dieu les maintiēdra: mais
 quand ils s'esleuerōt contre Dieu,
 & que suyuant leur iniustice & im-
 pieté, ils mespriseront sa sainte
 & sacree maiesté: qui est ce qui les

qui les maintiendra?

Parquoy en tel cas le cōseil de
l'homme ne pourra de rien seruir,
quād Dieu en aura autrement or-
donné: au contraire tout ce que
l'hōme brassera & machinera ne
fera autre chose: cōme nous pou-
uōs voir és exemples de Phalaris,
Alexandre, Pheream, Caligula,
Nerō, Domitian, Vitellius, Com-
mode, Iehan Marie de Milan, & de
Pharaon, desquels la cruauté a a-
uancé leur ruine: & de Pisistratē,
Roderic d'Espagne, Heliogaba-
le, Alexandre de Medicis, Pierre
Louys, Galeas Marie, qui par leurs
paillardises ont eux-mesmes arra-
ché le sceptre de leurs mains. Tou-
tesfois pour reuenir à nostre pro-
pos, Sardanapale estoit Roy, qui
fut

fut chassé par Arbaces, & Bellocus gouverneurs d'Assyrie : les Tarquins Roys superbes & felons chassés par les Princes de leur sâg, & par les principaux Gētils-hommes de leur Royaume: Nerō Empereur condamné par le Senat qui estoit le priué conseil d'iceluy : les Gracches tenoyent l'Estat de Tribun, qui estoit sainct & inuiolable : tellement que la maiesté du peuple, c'est à dire, de l'Empereur estoit veüe en ceste dignité: toutes fois ils furent tuez, l'un par Opimilius Consul, & l'autre par Nafica simple Sénateur. Qui est ce qui a iamais blasmé ce faict? encores que le fondement de la cause des Gracches semble bon à plusieurs, toutesfois ils approuuent

leur mort d'autant qu'ils auoyent
mal manié vne bõne querelle. Le
Duc de Sauoye ne fut point assail-
ly seulement par le Roy François,
les Bernois & ceux de Geneue, qui
ne tiennēt rien de luy, mais par au-
cuns de ses suiets & autres, & son
iniustice a esté cõdamnee de tous
en general. Christierne a esté de-
posé par son oncle à cause de son
iniustice & felonnie, & qui est ce
qui la iamaïs plainct pour cela, si-
non ceste maison fatale de Lorrai-
ne? Quant à Marie d'Escocce qui
est ce aussi qui en ait fait plainte,
sinon ceux qui luy ont fait faire ce
beau mesnage, quād luy voulāt ac-
querir en peinture des nouueaux
Royaumes, ils ont esté tous esba-
his qu'ils luy ont fait perdre le siē,
fa

la messe, & son honneur.

Si est ce quant à moy encores
que i'approuue bien la deposition
de quelques vns, eutant que Dieu
iuste iuge punisseur de tât d'enor-
mitez, enuoye comme vn Iehu sur
la maison d'Achab, ou comme vn
Phocas sur la maison de Maurice,
qui voyant decoller ses enfans, est
contraint de confesser que Dieu
est iuste iuge, & que cōmunément
apres vn monstre difforme, il su-
scite à l'Empire quelque bon Prin-
ce, comme nous voyons qu'apres
Neron vint Galba: apres Domi-
tian, Nerua: apres Heliogabale,
Alexandre: apres Cōmodus, Per-
tinax: apres Maximinus, Gordian:
apres Iulian, Iouinian: toutesfois
ie ne voudrois pas en tout approu

uer la volonté de ceux qui se ser-
uent de toutes mauuaises occa-
siōs pour s'esleuer cōtre leurs mai-
stres, sinō qu'ils eussent vocation
particuliere comme Iehu, & com-
me plusieurs veulent de Ieroboā:
ou bien pue ce fust à vn fait de tel-
le consequence qu'estoit celuy de
Nerō, Christierne, Marie d'Esco-
ce: ou ie ne voudrois blasmer le Se-
nat, l'Oncle, les Estats qui ont cha-
stié leur Empereur, leur Roy nep-
ueu, leur Royne: ou cōme les Ma-
chabees qui firent teste à Antio-
chus, & combien qu'ils y soyent
tous morts, ils ne laissent pas pour
cela d'estre louez, & le seront tant
que le monde durera.

Mais nous auons à remercier
Dieu en cela, ascauoir qu'en no-
stre

stre Royaume nous auons peu ou
 point de tels exemples tragiques:
 car iamais il n'entra au cœur de
 Gentil-homme François de tuer
 son Prince. Et depuis le temps de
Vuaramond iusques auourd'huy :
 encores que nous ayons passé le
 troisieme chagement, il ne se treu
 ue qu'vn Roy tué par Bodille, vn
 autre tué par la menée d'une Espa
 gnole, & deux prisonniers. Mais
 nous auons de beaux exemples de
 nos Princes lesquels ont gardé les
 Roys, & leur Couronne contre
 leur propre volôté: comme ils en
 firent preuue contre la personne
 du Cōnestable d'Espagne, qui rui
 noit le Royaume du tēps du Roy
 Iean. & de ce mesme temps, quād
 contre la volonté du Roy, neant-

moins avec le bié & salut du Roy-
aume, ils ne rendirent ce que le
Roy vouloit estre rēdu. Ce qui fut
veu aussi du temps du Roy Louys
vnziesme, en la guerre du bien pu-
blic. Car encores que les Princes
ne fissent pas pour lors tout ce
qu'ils vouloyēt: toutesfois le Roy
mōtroit assez par ses deportemēs
qui ensuyuirent, combien son am-
bition desmesuree eust aporté de
mal à sa Couronne, & consequem-
ment à soy-mesme, si dés son ad-
uenement les Princes ne luy euf-
sent appris quelle est la puissance &
deuoir des Princes en France.

Pour mettre fin à ce propos,
d'autant qu'il n'est possible que le
suiect s'arme, puis que la fin des ar-
mes est la paix, qu'en fin le suiect

ne

ne desire de venir à vn bon appoin-
tement par lequel l'ambition, & la
cruauté de celuy qui possède le
Roy soit bornee: c'est pourquoy
ceux qui blasment la prise des ar-
mes nō pour l'affection qu'ils por-
tent au public, mais pour l'enuie
qu'ils ont de se pouuoir venger,
& assouuir le goffre de leur ambi-
tion, blasment vne paix, la blafo-
nant d'vn mot odieux de Capitu-
latiō qu'ils estiment ne deuoir e-
stre pratiquee entre le souuerain
& le suiet.

Or ie leur accorderay volon-
tiers: que ce mot, puis qu'il leur
deplaist, soit du tout effacé, mais si
est ce qu'ils ne pourront pas nyer
qu'à la mort d'Isboseth les anciē-
s d'Israel ne vinssent en Hebron à

Dauid, & que là ils ne fissent alliance : or en toute alliance, n'y a-il point promesse d'une part & d'autre? si l'une partie faut à son deuoir, & que l'autre demeure tousiours au sien, n'est-ce pas une bonté admirable? mais peut estre qu'ils diront que lors les anciens d'Israel n'auoyent donné le serment à Dauid, ains auoyent suiuy le party de la maison de Saul, ce qui est bien vray: mais cependant ils ne peuuent nuyr, quelque party que suyussent les Israelites, que Dauid ne fust leur vray Roy, & qu'il n'en fussent persuadez, comme il appert par la declaration qu'en auoit fait Abner au parauât en la personne mesme de Dauid.

Mais qu'il ne soit rien de tout cela,

cela, si est-ce que ie demãde, si ceste alliance ne se faisoit que pour l'heure, & si ce n'estoit pas pour eux & pour leurs enfans: tellemẽt que si Dauid ou les siens eussent oubliẽ leur deuoir, ie demande qu'eussent peu faire les autres enfans d'Israel? Mais que firent ils sous Roboam? nous n'auõs point de part à Isai, (õ Iseael) disent-ils, va en tes tabernacles, toy Dauid pouruoy à ta maison. Et toutesfoi ce n'est pas que ie les vueille excuser: car ils pourroyent bien y auoir estẽ vn peu bien viste.

Dieu mẽsme s'accommodant à nostre infirmitẽ, veut bien estre examinẽ à ceste regle, car quel est le plus grand argumẽt dont il bat coustumieremẽt le peuple, N'est-

ce pas que de sa part il garde son alliance, & combien que de le faire, voire de le penser ce seroit vn blaspheme, toutesfois ne donne il pas ouuerture à faire ceste conclusion: si Dieu n'auoit pas tenu ses accords, nous serions quittes de nostre part. Or cela ne peut tomber en la nature de Dieu, qui demeurera tousiours iuste & veritable: mais quant aux hommes, il arriue tous les iours. toutefois il ne nous faut point chercher les excuses bien loin: car qu'on regarde ce que le Roy promet quand il est Oinct, quand il est Couronné, quand il fait ses entrees: est ce en ce moment de nous, ou à bon escient qu'il promet? certes ie ne puis que ie ne die qu'il y a des devoirs mutuels,

ruels, qui font de telle consequen-
 ce, que le peuple manquant à son
 deuoir, cōmunemēt en a porté la
 peine: mais aussi peu de Princes se
 sont bien trouuez d'aucir fait fau-
 te de leur costé. Parquoy ie con-
 clus de ce chapitre deux poinets,
 premierement que c'est le profit
 du Roy, & l'establissement de son
 Estat, que de maintenir ses pro-
 messes, & que le peuple aussi peut
 entrer en alliāce avec le Roy, sans
 riē diminuer de l'autorité de l'E-
 stat souuerain: cōme mesmes nous
 l'auons veu iustement pratiquer
 de nostre tēps avec les Xaincton-
geois, pour la gabelle, & avec ceux
du Languedoc, lesquels ores que
long temps au parauāt ne fussent
d'accord avec le Roy, touchāt les

droits des fiefz, ont toutesfois finalement tranfigé avecques luy, par vn tacit acquiescement de la part du Roy.

Nous auons donc iusques icy montré, tant par raisons, que par exēples, que c'est de la Monarchie, & quel en doit estre le Monarque, par comparaison faite de la sympathie du chef avec son corps: & auons prouué que l'ame qui anime & fait viure tant le chef que le corps, c'est à dire, & le Monarque & la Monarchie, est la iustice: laquelle par vne admirable analogie, correspōdance ou proportion du chef au cœur, viuifie vniuersellement tout le corps. D'auantage il a esté disputé, que s'il s'eleue à l'endroit du chef quelque vice, ou affe-

affection de felonnie & cruauté,
 qui pourroit gaster les principales
 parties de l'ame, empeschant non
 seulemēt le deuoir du chefeuvers
 le reste du corps: mais aussi qui cō
 me vne gangrene & catharre vene
 neux se pourroit ruer & estendre
 sur tous les membres pour les ga
 ster & perdre entieremēt: que c'est
 afaire lors tant au Princes & prin
 cipaux officiers de la Couronne,
 qu'aux Estats de la cité ou cōmu
 nauté en la Monarchie, de s'oppo
 ser à telle felonnie & cruauté. Et
 qu'en tel cas il n'est pas seulemēt
 licite d'y employer tous moyens
 & remedes necessaires: mais que
 ceux qui manquent à faire prom
 ptement leur deuoir pour conser
 uer la vie & salut du public, ne

peuvent estre aucunement excu-
sez, qu'ils ne soyent coupables du
crime de perduellion & parricide.

Mais cependât il faut que nous
passions encores plus outre, pour
respondre aux calumnies de quel-
ques vns, qui malicieusement di-
sent que les Princes ou Seigneurs,
qui en tel cas s'arment contre vn
souuerain, ne tendent à autre fin
qu'à le despoiller, & leur est ad-
uis qu'ils ont rencontré argumēt
fort plausible à la cōfirmation de
leur calomnie, quand ils mettent
en auât l'exemple des Suisses, des-
quels vne partie a receu la Reli-
gion: qui ont nō seulemēt secoué
le ioug d'Austriche, mais aussi mal
sacré leur Noblesse, ausquels ie
veux tantost respondre: mais pre-
miere-

mieremēt ie ne peu nyer qu'ils ne se soit trouué quelques ſuiects, qui ayent depoffedez leurs Princes, cōme nous liſons de Hugues Capet. Car Dieu qui conduit toujours ſagement le monde, & amene à la fin toutes choſes au point de ſa iuſtice, & des moyens extraordinaires & inconus, par leſquels il veut rabaiffer les vns, & eſleuer les autres, transferant comme il a eſté dit, les ſeigneuries d'une gent en l'autre.

Mais quant à noſtre Royaume, (car c'eſt luy dont il eſt queſtion) combiē de fois ſont demeurez les enfans des Roys entre les mains des Princes durant leur minorité: & toutesfois il ne ſe trouuera pas, que iamaïs les Oncles ayēt depof-

sedé leurs Nepueus. Et quant au fait des armes nous voyons combien les Princes d'Orleans, de Berry, & de Bourbon ont esté esloignez. Car tenans Monsieur, & depuis Roy, entre leurs mains, qui est-ce qui en a iamais eu vne simple cōiecture? combiē que le Duc de Bourgōgne & Messieurs de Paris, qui desia tenoyent vn changement d'Estat, leur obiectassent tel les calomnies, mais l'issue montra la verité du fait.

Au temps de Louys vniefme, d'autant que les Princes ne firent pas tout ce qu'ils auoyent delibéré, cecy demeura plus obscur, toutesfois on ne peut nier combiē le Duc de Bretagne fut mal contēt, quand vn de ses domestiques luy
parla

parla de choses approchantes de
 felonnie: aussi estoit-il François de
 race. Mais on trouuera assez d'e-
 strangers qui ont fait de telles en-
 treprises, & aucuns en sont venus à
 chef. Quant aux Suisses desquels
 nous parlions tantost, que nos ad-
 uersaires nous obiectent: nous au-
 rions plus de raison de les leur op-
 poser, & s'ils n'estoyent ignorans des
 histoires, ou que malicieusement
 ilz ne nous obiectassent tout ce
 qu'ils peuuent, ils scauroyent que
 long temps au parauant que Zuin-
gle & Oecolampade preschassent,
 le changement auoit esté fait en
 Suisse, & qu'il ne fut pratiqué ne
 par Zurich, ne par Berne, qui es-
 toyent villes Imperiales, & qui n'a-
 uoyent rien à demesler avec la mai-

son d'Austriche, sinon de voisin à voisin: ne mesmement par les autres Cantōs qui sont auiourd'huy profession de la Religiō: mais biē par les Cantons de Vndreuald, Appenzel, Suits & autres, qui sont auiourd'huy Papistes, & q̄ ont du tout descōfit la Noblesse: cōbien qu'és Cantons de l'Euangile il se trouue encor de race Nobles cōme celle de Diespach, de Herlac, Vuateuile, & autres bien conues en ce Royaume. Toutefois ie n'en ten pas icy blasmer le fait des petis Cantons, qui premiers commencerent à se soufleuer, quoy qu'ils soyent Papistes: mais i'en laisse le iugement libre à vn chacun. Je dis seulement que quiconque lira diligemmēt leur histoire, il trou-

il trouuera qu'on leur aura donné grandes occasions de mescontentement, & qu'ils ont deu faire ce qu'ils ont fait.

Mais pour reprêdre nostre propos il faut voir vn poinct qui est grandement à considerer & examiner de pres: qu'il y a des vocations particulieres, ausquelles il n'est loisible à l'ennemy de contredire, ny à celuy qui est appelé de fuir. Ainsi Othoniel deliura le peuple de la suiection de Cuzam, & de Razathaim: Debora, de Iabin: Gedeon, des Madianites: & autres semblables. Car ainsi comme quand toute vigueur est desseichee en nos corps, aussi aux declinaisons des Empires, qui arriuent souuêt, quand la iustice, que nous auons môtrec

cy dessus estre comme la vie des
 Royaumes & Republiques, en est
 bannie: quād l'exces & dissolution
 des grans y est honoree, que perfidie,
 desloyauté, & cruauté y est en
 vogue: mais tousiours infaillible-
 ment, quād vn Royaume s'adres-
 se contre ceste pierre coupee sans
 main de la montagne, laquelle a-
 bat tous les Roys de ce mōde: les
 Empires recoiuent cōmunément
 lors grāde alteration que lon void
 à l'œil. comme Dauid, ne cerchāt
 aucunement le Royaume s'est a-
 uancé par les menees & pratiques
 de Saul, plus qu'il n'eust iamais
 peu s'auancer luy-mesme, faisant
 vne guerre ouuerte à Saul. Pareil-
 lement Moyse fut plus confirmé
 en la principauté du peuple par la
 resistan-

resistance de Pharaon. Christier: Δ
 ne par ses deportemens a cōtraint
 son oncle cōme par force mal gré
 qu'il en eust le demettre du Roy-
 aume de Dannemarch: & a tāt fait
 aussi par ses iournees que de Go-
 staue son prisonnier & simple Gen-
 til homme qui n'y pensoit pas, il
 en a fait vn Roy, le Couronnant
 luy mesme de la Courōne de Sue-
 de. Il en est autant auenu à Marie Δ
 d'Escocce, qui a tant fait par son
 mauuais conseil, qu'elle a esté con-
 trainte se deuestir de son Royau-
 me & en inuestir son fils.

Mais il y a vn autre poinct qu'il
 faut expressement noter, c'est que
 le suiet quand il s'arme, s'il veut
 demeurer, & qu'il puisse respon-
 dre deuant le iugemēt de Dieu, &

estre trouué inculpable deuant
 les hommes, il doit premierement
 se proposer & estre resolu, qu'il
 s'arme pour le bien de la Couron
 ne. Or ce bien est immuable, &
 tousiours semblable à soy-mesme,
 quoy qu'un Roy persuadé, trom
 pé, ou tiré comment que ce soit
 d'autre costé, puisse sentir quel
 que alteration quant à sa volonté:
 tellement que, comme à Rome, la
 souueraine loy estoit le salut du
 peuple, & quand on voyoit tout
 prest d'estre en combustion, pour
 toute resolution on commandoit
 aux Consuls & Dictateurs en ces
 termes, *Videant Consules ne quid*
Respublica capiat detrimenti, afin
 qu'ils missent tel ordre que la Re
 publique ne sentist aucū dōmage:
 aussi

aussi que le Prince inferieur, les
 Pairs, les principaux officiers qui
 ont serment au Roy, & à la Cou-
 ronne, si le besoin y est, facent ser-
 uice au Roy, faisans seruice à la
 Couronne, voire en sorte que le
 Roy ne soit contraint ou induit
 par ceux qui le possèdent de dire
 du contraire : autrement la posteri-
 té qui sera iuge non passionné ne fe-
 ra faute de les iuger traistres & des-
 loyaux, comme i'ay montré cy des-
 sus, i'ajoit que de leurs temps ils
 ayent esté comme adorez. Secon-
 dement qu'ils regardent bié & de
 pres, que la medecine ne soit plus
 griesue que la maladie. Car il y a
 beaucoup de choses qu'o peut en-
 durer & dissimuler: mais aussi, tel
 cas se pourroit presenter, auquel

vne guerre ne perdant que la moitié seroit plus desirable, qu'une paix qui ruinerait tout, & pleust à Dieu, que n'en eussions si malheureusement expérimenté la vérité. Les massacreurs & bourreaux n'eussent trouvé la chair à si bon marché en tant de lieux de ce misérable Royaume, ou d'une rage desesperée ils ont tant espandu de sang à la ruine & confusion de toute la nation.

Or il faut que nous examinions encor plus songneusement ceste hypothese, afin que puissions mieux entendre la nature de la guerre, en laquelle nous auons esté, & dont on nous menace, si les menées des ennemis de Dieu & de la Couronne, succedent. Premièrement on
 fait,

ſcait, ſelon Ciceron, qu'il y a deux
 fortes de débats entre les hōmes:
 l'une en plaidāt, & l'autre en vſant
 da force & violence. & que ceſte
 premiere là eſt propre, & comme
 particuliere aux hommes, & la ſe-
 conde aux beſtes brutes. Mais tou-
 tesfois qu'il faut auoir recours &
 refuge à la derniere, voire ſeule-
 mēt quand il n'eſt permis ſ'ayder
 de la premiere. Car nature n'a elle
 point donné à tous aninaux ceſt
 inſtinct naturel de ſe defendre, &
 de fuir les choſes qu'ils penſent
 leur pouuoir aporter dommage &
 incommodité, cercher & ſe pour-
 uoir de tout ce qu'ils voyent eſtre
 neceſſaire à la cōſeruation de leur
 vie? Veudonc & comme il appert
 par ces raiſons, que la deſenſe par

armée & de droit naturel, lors que
 l'innocence outragée ne peut plus
 auoir recours à la iustice ordina-
 re pour la tyrannie, qui non seule-
 ment mesprise l'vtilité publique,
 ains (selon le conseil que donnoit
 Periander à Trasibulus) glane &
 moissonne, c'est à dire tue & mas-
 sacre les meilleurs & plus vertueux
 citoyens, qui cōme tuteurs & pro-
 tecteurs de la patrie, voudroyent
 entant qu'en eux est procurer le
 bien & salut d'icelle: De là ie con-
 clu comme ainsi soit qu'il n'y ait
 eu iamais innocence plus affligée,
 ne patiēce plus blessée, ne moyen
 d'auoir iustice plus desesperé,
 qu'en ceux que la singuliere & mi-
 raculeuse faueur de Dieu a cōme
 arraché d'entre les pattes des ty-
 gres

gres & lyons rauiffans, & quelle
conferue aujourd'huy par des mo
yens tres-excellens & admirables,
quoy que de peu d'apparence, que
par consequent, si iamais guerre
deust estre iugee tres iuste & tres-
saincte, que c'est celle où no^r som-
mes taillez entrer, si le dernier e-
dict de pacificatiō est aboly, com-
me les ennemis de la Couronne
nous en menacent. Car premiere-
ment, & pour reduire en memoir-
e la cause dont il est question dès
le commencement, Il n'y a person-
ne qui puisse nyer que les Estats
tenus à Orleans, (lors que Char-
les ix. vint nouvellement à la Cou-
ronne, à la poursuyte du Cardinal
de Lorraine, qui pensoit auoir pre-
paré ceste fosse pour y faire tom-

ber tous ses ennemis, ayant fait nommer gens apostez, de tous les endrois de ce Royaume, qu'il esti moit tenir s^{on} party) que ces Estats dy- ie au lieu d'auancer la ruine de l'Eglise (estans contrains comme iadis Balaam) n'ayent fait la premiere ouuerture à demâder l'exercice de la Religion en ce Royaume. On ne peut non plus ignorer, que les Estats tenus à Ponthoise n'ayent passé plus outre, demandans expressément des Temples. Que suyuant ceste requeste, dont la responce fut remise, les plus notables ne fussent appelez, les Princes, Seigneurs du Conseil, & des Parlemēs, qui tous conformémēt, le Roy le voulant, le signant, la Royne aussi, accorderent l'edict
sur-

surnommé de Ianuier, & ne se trou-
 uera en ceste grande vnion de vo-
 lontez, que le Cardinal & les siés
 qui n'y consentissent. Or nous di-
 fions anciennemēt en Frâce quel-
 que article estre passé par les E-
 stas, quand les Estas l'auoyent or-
 dōné : mais depuis que les choses
 ont commencé à decliner (& qu'à
 la suasion de certains garnemens
 les Roys sōt fortis hors de leurs
 limites) nous disons que les Estas
 y ont passé quand ils l'ont requis,
 & que les deputez du Conseil y
 ont respōdu, l'vn & l'autre se treu-
 ue en ce fait. Quand donc ceux
 qui sont entrez en ceste cause &
 querelle, c'est à dire, ceux qui se
 sont armez pour s'opposer à la ra-
 ge & fureur de ceste tyrannie: qui

tantost par violēce manifeste, tantost par surprise, trahisō & autres telles menees, n'a cessé depuis ce tēps de saccager & massacrer les plus notables de ceux qui suyuent la Religion reformee, quād dy-ie ils n'auroyent autre cause que ceste là, ne seroit elle pas iuste? Car est-ce point le bien de la Couronne, veu que le Roy, les Princes, les Seigneurs, les Parlemens l'ont accordé? les Estats l'ont requis & l'ont approuué. Mais que la rupture soit la ruyne du Royaume, le renuersement de l'Estat, la desolatiō, ou comme nos ancestres disoyent, l'exilement du pays: pleust à Dieu que nous n'eussions point les marques si euidentes.

Si donc la guerre fut lors iustement

ment entreprise : d'autant que les
outragez s'armerent pour le bien
de la Courōne: cōbien plus main
tenant, quand nous auons veu de
nos yeux & experimenté en nos
personnes qu'vn deluge de toute
felonnie, cruauté, massacre, & ef
fusion de sang innocent, s'est tel
lement debordé que toute la Fran
ce en a esté ie ne dy pas abreuee,
mais quasi toute noyee, voire cō
tre la foy publiquement iuree, par
vn violement & mespris de toutes
loix diuines & humaines: de façō
qu'il n'y a langue si diserte, ny en
tendement si riche d'inuention, qui
puisse suffisammēt declairer com
bien horrible & execrable a esté
la tyrannie en l'execution d'vn tel
parricide, dōt le forfait si enorme

me fait douter que la posterité
 puisse croire la verité du fait. Mais
 encores qui est-ce qui pourroit
 dire que la prise des armes fust in-
 iuste, quand après telles barbaries
 & inhumanitez, on void neant-
 moins les ennemis de la Couron-
 ne, & consequemment de l'Estat
 de la Monarchie, auteurs de tou-
 tes telles miseres & calamitez, aus-
 quelles on auoit fait promesse
 d'obuier à l'auenir, manier encor
 les affaires de ceste ruineuse Mo-
 narchie, les brouiller, en sorte que
 qui les voudra croire, ie vous prie
 quand sera-ce que nous verrôs la
 paix en France? sera-ce lors qu'ils
 seront paruenus à leurs desseins,
 ascauoir quâd ils auront tant fait
 par leurs menées que la plus part
 de la

de la meilleure Noblesse fera r'a-
 coursie de toute la teste? & cepen-
 dant leur impudence se vante d'en
 faire d'autres, & en publie les let-
 tres, ou, quand & autât qu'on vou-
 dra, mais bien en vain toutesfois,
 encor qu'ils en tirent argent: car
 ceste ancienne vertu François ne
 se cōmunique point à telles plan-
 tes bastardes, qu'ils nous vueillēt
 produire des vilains anoblis à leur
 poste. Quand donc il n'y auroit
 que ces deux poincts, a scauoir la
 volonté des Estats d'une part, &
 la ruine de la meilleure partie des
 gens de bien de l'autre, ne seroit-
 ce point vne semonce suffisante
 aux Princes & Seigneurs de vertu
 de s'opposer à telles felonniez &
 cruautéz. Mais que fera ce si lon

veut sonder plus auant les ruses &
 intelligences, que ces ennemis de
 France ont tousiours eues par cy
 deuant avec l'Eespagnol ? lequel
 ne se contentant pas en sa felon-
 nie d'auoir osté la teste au Conte
 d'Aigmont, & condamné celuy
 d'Hogstrate tous deux Catholi-
 ques, a bien montré son intétion,
 qui estoit de deraciner toute plan-
 te Noble de la Flandre, & de fre-
 sche memoire a saccagé d'une fu-
 reur estrange la plus riche ville des
 pays bas, voire de tous ses Roy-
 aumes. Je vous prie donc, quand
 ces ennemis & ceux de leur ligue
 auront eu la raison (ce que Dieu
 ne vueille) de la Noblesse faisant
 professiõ del'Euangile, comment
 se cuyde sauuer le reste de la No-
 blesse

bleſſe , laquelle encores qu'elle nous perſecute, a peut eſtre mangé de la chair en Careſme , ou a veu vn Huguenot en ſa maiſon, ou luy a preſté vn cheual , ou vne piſtole, ou biẽ aura regardé quelque image de trauers? Parquoy Meſſeigneurs les Princes, Gẽtils-hommes, & autres bõs citoyẽs de ce poure & deſolé Royaume, n'ayant pas ſeulement veu, mais experimẽté tant de maux, deſquels ceſte Republique ſ'en alloit, & ſ'en va encores toute accablee, n'ont-ils pas eu, & n'ont-ils pas encores raiſon de ſ'y oppoſer, & de les empêcher au poſſible?

Mais helas! que pouuons nous dire en general de l'Eſtat, ou maintenant nous voyons eſtre les aſai-

res publiques ? y a-il ville qui ne soit opprimée par les meschans ? Les Estats & offices, que souloyēt exercer les gens de bien & d'honneur, ne sont-ils pas donnez aux plus faquins du monde ? qui plus est, l'ordre ancien honoraire de la fleur des vertueux du Royaume, à qui est-il maintenant donné ? Est-ce aux plus signalez, de la fidelité & vertu qu'ils ont montree en la defense du salut public ? N'est-ce pas plustost à ceux qui ne firent ia mais preuue de leur prouesse, non seulement ignobles de race, mais encor plus pour leurs conditions ? Et d'auantage de quelles gens a esté iusques au iourd'huy composé le conseil de la Courōne ? Mais en somme quel bien peut-on attendre

dre de là, ou l'impieté, horrible
 mespris & contemnemēt de toute
 diuinité est en vogue? ou au lieu de
 pieté, verité, crainte & reuerence
 de Dieu, mensonge, sorcelerie, &
 toutes sortes d'impostures diabo-
 liques, & art Magique y sont te-
 nus? violence, & iniquité pour e-
 quité, iustice, & droiture? paillar-
 dise & toute impudicité abomina-
 ble, tient le reng de modestie, cha-
 steté & honesteté? ô Dieu quelles
 harpies! quelles sangsues! au mois
 s'ils se contentoyent d'estre ie ne
 dy pas abreueuez, mais remplis du
 sang de la Frâce iusques à creuer,
 ou, peu s'ē faut, sans que par leurs
 complots, & sanglantes conclu-
 sions, tant de gens de bien fussent
 cōtrains d'espādre le sang de leurs

freres, pour enyurer les yeux cru-
 els & sangninaires de ces mōstres
 d'hommes infatiables. Pourroit-
 on dōques iamaïs trouuer temps
 auquel la necessité ait esté plus
 grande de reprimer les audacieu-
 ses entreprinſes de tels furieux,
 qu'elle est aujourd'huy? Dauanta-
 ge s'il est ainſi qu'il ſoit licite aux
 Princes, Seigneurs, Gentils-hom-
 mes, & autres vertueux citoyens
 de la Monarchie, de s'opposer à
 ceux qui ſous le nom du Roy vou-
 droient reduire le bien de la Cou-
 ronne en telle confuſion & defor-
 dre, cōme de renuerſer tout droit
 diuin & humain, auilener toute la
 Nobleſſe, la priuer de ſes fiefs, les
 transporter à des eſtrangers, rauer
 leurs femmes, & les donner à des
 vilains,

vilains, que sera-ce, que faudra-il faire quand on nous voudra faire remercier Dieu? Car iusques icy, ceux qui y prennent plaisir se sont laissez payer de ces bayes, que ce n'estoit point à la Religion qu'on en vouloit, qu'il n'y alloit que l'Estat, que le Roy nous maintiendrait. O Dieu que de lachetez, que de traistres & mal-heureux desseins ont passé: combiẽ de fois ton nom a-il esté mis en auãt par ces bouches sacrileges, ausquelles il n'a pas suffi de profaner le nom sacré du Roy, si encores ils n'eussent foulé le tiẽ au pieds. Tu vois cela Seigneur, & te tairas tu? Mais maintenant que ce masque est leué, & que toute la reformation qu'ils promettoient, avec tant de

tes & querelles ciuiles, mais où il
 va de la gloire de Dieu, ils en font
 si peu touchez, qu'ils sont d'auis
 qu'on en laisse le soin à luy seul, &
 quant à eux de ne s'en mesler aucu-
 nement : faisant resonner ce gros
 axiome, qu'ils nous obiectent à
 tous propos, ascauoir que Dieu
 est assez suffisant pour maintenir
 sa gloire & son honneur, sans s'ai-
 der aucunement du ministration des
 hommes. Et voudroyent volon-
 tiers ces gens de bien là, qu'à cha-
 que fois que les tyrans outragent
 la gloire de Dieu en son Eglise,
 qu'il descendist luy-mesme pour
 se venger, ou fist tomber le feu du
 ciel. Mais ie vous prie, si Dieu a
 voulu pour le moins que les ar-
 mes se remuassent en son peuple,

frais & d'appareil, n'a enfanté que
vne menace d'abolir la Religion
reformee : brief qu'on n'en veut
plus à nos biens, à nos honneurs,
mais à nos ames, voire à Dieu mes-
me, nous tiendrons nous?

Iusques icy ceux qui sont rai-
sonnables, sains de iugemēt & in-
telligence, auront bien assez de-
quoy se contenter en ceste que-
stion, pour s'asseurer qu'en bonne
conscience la defense par armes
leur est permise contre la tyrânie:
mais aujourdhuy nous auons en-
cores afaire à quelques grans po-
litiques, mais peu ou point du
tout religieux, lesquels confesse-
ront bien que les Iuifs & Payens
auront pris les armes à iuste occa-
sion, pour se defendre en leurs cau-
ses &

ne le voudroit-il point pour le plus? or il a voulu que le peuple s'armast pour la possession de la terre, & condamnera il ceux qui pour sa gloire opposeront tous les moyens qu'il leur a donné pour résister à la tyrannie, qui ne la veut pas seulement fouiller, mais aneantir, voire enterrer du tout, s'il estoit possible? Or ils ne nieront pas que la terre de Chanaan ne fust la figure de la iouissance de la vie eternelle au Royaume celeste. que sera ce donc de la vraye fructiō & iouissance de ceste beatitude, de laquelle nous perceuons desia les fruits en ceste vie par le ministère de l'Eglise, contre laquelle ces tyrans ennemis, barbares & felons se bandent & nous en veulent

lent debouter & empescher la possession? Tu confesseras bien que la pieté & humanité commande à chacun d'employer tout ce qu'il a pour la conseruation de la patrie, tellement qu'à ceux qui s'y sont portez preux & vaillans la posterité a erigé des statues, pour eternizer la memoire de leur pieté & vertu: & mal-heureux que tu es, en quel pays cuideras tu estre, quād tu auras acquiescé à la tyrannie, ou, il faudra que tu dedies & toy & tes enfans au diable? si la vie est pour la pieté, ce que tu voudrois faire pour ta vie, ne le feras tu pas pour la pieté qui est la vie de ta vie? Je m'esbahis s'ils ne retournēt encor à leur vuieille chanson. Si Dieu eust voulu, ne pou-

uoit il pas mettre ses enfãs en pos-
 sessiõ de la terre de Chanaan sans
 armes, puis qu'il n'en veut point
 pour sa gloire? comme si Dieu ai-
 moit mieux que son peuple fust a-
 uare & conuoiteux des biens de la
 terre, que zelateur de l'hõneur de
 son Createur. Mais que diront-ils
d'Abraham, qui fit equipper en ar-
mes trois cens & dixhuiet de ses
seruiteurs nez en sa maison, pour
rescourre sõ nepueu, & l'arracher
d'entre les mains des ennemis? si
estoit il de l'Eglise, car il estoit (cõ
me dit l'Ecriture) pere des fide-
les, & toutesfois l'Ecriture tes-
moigne de luy, que pour cela il fut
beny par le tres-haut Dieu posses-
seur du ciel & de la terre. Peut e-
stre qu'ils confesseront bien que
 les

les armes furent permises à Abraham & à sa posterité, mais que maintenant l'Eglise est d'autre condition, ascauoir d'estre persecutée en ce monde & d'y porter la croix, que le plus certain moyen de la rendre meilleure & plus polie, est la persecution de laquelle cependât ces gēils docteurs sont si frians, qu'ils n'osent entrer ne demeurer en icelle, depeur d'en gouster.

Les Chrestiens (dites vous) ne doiuent defendre Iesus Christ par armes. Poures hōmes vous vous dites Chrestiens comme nous, & toutesfois vous osez bien assaillir Iesus Christ par armes, pourquoy donc demandez vous s'il est licite de le defēdre? Et qu'alleguez vous

quand il se faut croiser contre le Turc? ce que vous approuuez de vostre costé, de quel front ozez vous le cōdamner au nostre? Mais que faites vous sonner en vos belles bulles, autre chose sinon la defense de la foy, resister aux mescreans & choses semblables? Si c'est mal fait de defendre Iesus Christ par armes, pourquoy donc le faites vous? Ou à quoy tient-il que ne laissez le Turc à Tunis, ou à la Goulette quand il y a pris pied? Si l'esprit de Christ ne veut point qu'on se serue de cousteau, que ne permettez vous que le Sultan vienne faire vne mangeoire à cheuaux de l'autel de S. Pierre à Rome? Ne vous souuient il point du blason d'Alphonse tāt estimé,

Pro

Pro lege & pro grege? S.

Mais Iesus Christ ny les Apostres n'ont iamais vsé d'armes, qui peut estre vous fait dire que les Chrestiens n'en doiuent vser, en quoy vous mōtrez que vous estes fort mal instruis en la raison de bien conclurre. Ne scauez vous pas que ceste façon d'argumenter par exemples est manque, & ne peut rien conclurre sinon que le premier axiome soit tenu pour cōstant? Si Iesus Christ n'a porté les armes, s'ensuyt-il que les Chrestiens ne les doiuent porter? Si Iesus Christ n'a exercé la magistrature, s'ensuyt-il pourtant que tous Chrestiens se doyent estranger de toutes charges & offices politiques? Disons-nous que ce soit

H

mal fait de prescher en telle ou telle contree, pource que Iesus Christ n'y a point presché? Mais il faudroit premierement que ceste proposition fust veritable, Qu'il n'est licite aux Chrestiens de faire tout ce que Iesus Christ n'a point fait. Qui ne void donc que cela seroit euidemmēt faux, sinon que le Christ l'eust expressément defendu: il est semblable à celuy qui nye qu'en plein midy il face iour, ou que quand il se brusse, ne veut cōfesser que le feu soit chaud. Or Christ n'a point defendu les armes. Car qui est celuy, si ce n'est quelque furieux & fantastique, qui voulust dire qu'il ait destruit le Magistrat. N'ayant donc destruit le Magistrat ny les choses politiques,

ques, il a quant & quant laissé en son entier aux Chrestiens tout ce qui en depend. Il a donc laissé l'usage des armes, & n'a aucunement reprouvé les guerres & autres polices de l'ancien Testament, pour la defense & conseruation de la Republique, quand il n'en a rien dit. Que s'il n'eust esté licite de porter les armes, la responce de S. Ian n'eust esté telle que les gendarmes se contentassent de leur paye, & ne foulassent personne: il eust esté aisé de les enuoyer desfarmer & dire, Ne portes iamais les armes, car la guerre est desplaisante à Dieu, combien qu'Abrahâ, Moïse, les Patriarches & Prophetes en ayent vsé à la gloire de Dieu, & à la conseruation de leur

peuple. Quand donc il leur a permis la paye, il est certain qu'il leur a permis la faction & seruice des armes, & de là il faut cōclurre que toutes guerres ne sōt illicites aux Chrestiens, qui ne voudroit reprouuer le tesmoignage de l'Escripture: que si toutes ne sont illicites, ie croy que celles qui se font pour iustes causes sont licites & permises: mais s'il y eut iamais iustes causes au mōde de prendre les armes pour se defendre, qui peut douter que cellesque i'ay alleguees cy dessus ne le soyent?

Mais icy se leue vn autre scandale qu'il faut biē encores remuer. c'est que le commencement, progres & issuë des armes en ceste cause nous a tousiours laissez comblez

blez d'une infinité de miseres & calamitez. Sur quoy, ceux qui ancrēt leur esperāce en la vase de ce monde, cōcluent de la iustice de Dieu, que nostre party est condamné de luy, veu qu'il en est si peu fauorisé. Mais ces borgnes & cyclopes, qui ne regardēt que d'un œil, ascauoir les choses de ce bas monde, & celles seulement qui sont deuāt leurs pieds, esclaués volontaires d'ignorance, ne voyent pas en quel blaspheme execrable ils tombent, de faire Dieu semblable à leurs affections. Dieu donc selon le iugement de ces iniques, sera pour les meurtriers, larrons, & paillars, quand leurs meurtres, larcins, & paillardises ne sont punies promptement & sur le champ. Et voila

H ;

d'où vient l'apostasie & horrible
 reuolte de ces miserables: qui n'a-
 yans iamais voulu gouster le bien
 de l'esperance que nous auons ca-
 chee és promesses de Dieu, ne fôt
 estat (à l'exemple d'Esau) que des
 delices & voluptez de ce monde,
 pour lesquelles ils renonceroût vo-
 lôtiers au ciel, pourueu que la iou-
 issance & fruction d'icelles leur
 soit quelque temps continuee.

*Tu fais ces maux , & cependant
 que riens*

*Je ne t'en dy tu m'estime & tiens
 Semblable à toy, mais quoy que
 tard le face*

*T'en reprendray quelque iour à
 ta face,*

dit le Seigneur.

*Et certes il faudroit r'enuoyer
 ces*

ces grosses bestes qui veulent iuger d'une bonne cause, seulement selon qu'ils en voyent auenir deuant leur yeux, à l'eschole des profanes pour apprendre à iuger autrement, & plus dextrement.

--*Careat successibus opto,
Quisquis ab euentu facta nefanda probat,*
dit Ouide.

*Que celuy qui ça bas les faits meschans approuue
Par leur euenement, i'arnais bon
heur ne trouue.*

Faudra il donc dire que la cause d'Abel ait esté reprouuee de Dieu quand il a esté massacré par la main de son frere? Mais l'Ecriture en parle autrement, quand elle dit notamment que Cain le tua

pource que ses œuvres estoient mauuaises, & celles de son frere iustes. Quoy donc? en iugeront ils ainsi de plusieurs des peres, & quasi de tous les Prophetes & Apostres, lesquels ont esté meurtris par les meschâs? Mais, qui ne voit en cela l'impieté & bestise de ces insensez & estourdis?

Vray est que la mort avec tous les maux qui la precedent, & qui l'accompagnēt, a la vogue sur toute la posterité d'Adam, à cause du peché, duquel elle est le salaire: mais toutes ces peines & miseres qui sont les œuvres & effets du tres-iuste courroux de Dieu, sont enuoyees & iettees de sa main sur ceste race à bien diuerses fins, car les meschans & reprouuez, ores
 + H que

que pour vn temps,
 La graisse leur pousse les yeux
 Hors de leur chef malicieux,
 Et souuent ayent d'auantage,
 Que n'a desiré leur courage,
 Soyent dissolus en tous leurs faits,
 Parlent des faux tours qu'ils ont
 faits,
 Aux iustes par eux tormentez,
 Et parlent comme haut montez.

Si est ce qu'ils sont & seront à ia-
 mais poursuyuis du iugement de
 Dieu, à cause de la haine irrecon-
 cilliable qui entreuient entre l'E-
 sprit de grace & leur rebellion, o-
 piniastrété & dureté de cœur. Par-
 quoy c'est sans doute qu'ils peri-
 ront eternellement, d'autât qu'ils
 sont ennemis de la grace, sans la-
 quelle il n'y a point de salut, & ne

veulent ne peuvent donner lieu à
l'Esprit de la crainte du Seigneur.
Il cherra dit ailleurs le Prophete,
sur les malins orage. Et puis a-
pres:

*Le faux faudra si tost & tellemēt,
Que quand sa place iras chercher
& querre,*

N'y trouueras la trace seulemēt.
Car où est l'ignorāce de Dieu, là
est la haine du bien, d'autant qu'il
est impossible d'aimer ce qu'on
ne conoit pas, là est aussi l'enfer, &
consequemment l'abisme de tous
maux. car il est necessaire qu'ils
soyent accablez de l'ire de Dieu,
pource que le peché regne sur eux,
& qu'estās priuez de lumiere tom-
bent en des fureurs horribles, voi-
re iusques à leuer la teste contre
Dieu,

Dieu, faire la guerre aux siens, les vaincre & massacrer en ce monde, & par telles rages & furies hastēt & auancēt leur ruine & perdition eternelle.

Mais quant à l'Eglise de Dieu, cōme elle est de la race d'Adam, il est certain que de ceste premiere nature elle est aussi suiette aux miseres, calamitez, & consequemment à la mort, de laquelle toutes fois elle est afranchie & deliuree, par ce que Iesus Christ Fils de Dieu s'opposant à l'ire du Pere, la soustenue en sa propre personne, & d'une entiere obeissance a sa tistait en tout & par tout à la iustice diuine, portant la peine en sa chair, & en son esprit, que la rebellion faite a la loy & volōté du Sou

uerain , auoit meritee , le peché donc est osté de l'Eglise & consequemment la mort, car où la cause n'est plus , il n'y a plus d'effect: ce n'est pas toutesfois que les reliques du peché ne demeurent en icelle: car il n'y a homme qui ne peche (dit l'Escripture) mais il n'y est point (dit S. Augustin) d'autant qu'il n'est point imputé à celuy qui est doué de l'Esprit de regeneration, selon que dit S. Iean en sa Canonique , que celuy qui est né de Dieu ne peche point: car la semence d'iceluy demeure en luy, qui fait qu'il ne peut demeurer sous la domination du peché, par ce que l'Esprit de Dieu corrige les appetis desordonnez qui sont en luy: & en cela que le peché ne luy est imputé

puté, git & consiste la felicité & beatitude de l'Eglise, ainsi que dit le Prophete Psal. 32.

O bien heureux celuy dõt les commissions

Transgressions sont par grace remises. &c.

Puis donc que les reliques du peché demeurent en l'Eglise, il ne se peut faire autremēt qu'elle ne sente les œuures & effects de l'ire de Dieu contre le peché. C'est donc la raison pour laquelle premiere-ment nous voyõs que l'Eglise souspire & lamente en tāt de miseres & afflictions: pource que Dieu veut que par tels maux elle soit admonestee de sa iustice, & qu'elle sache combien le peché luy est des-
plaisant, voire tellemēt abomina-

ble, qu'aussi tost qu'il en voit les
 siens infectez, il faut qu'il les punif
 se en ceste vie, & en seroyent aussi
 punis eternellemēt, s'ils ne se con
 uertissoyēt à luy en faueur du Me
 diateur, selō ce que dit S. Paul en
 la 1. aux Corinth. onsiēme chap.
 Que quand nous sommes iugez,
 c'est à dire, punis & chastiez, nous
 sommes eiseignez par le Seigneur:
 afin que nous ne soyons condam
 nez avec le monde. Il faut donc re
 conoistre que toutes ces miseres,
 calamitez, guerres, pilleries, rava
 ges & massâcres viennēt de là, dōt
 nous voyons ainsi l'Eglise vexee,
 & peu s'en faut accablee, d'autant
 que l'ire de Dieu est de plus en
 plus embrasee par ces horribles
 & outrageuses transgressions de
 ses

ses loix, qui se font au monde, ou
 nous deuons bien noter, que si vn
 tel iugement cōmence par la mai-
 son de Dieu, que la fin de ceux qui
 sont rebelles à l'Euāgile de Dieu
 sera merueilleusement espouuan-
 table, comme il est dit au 4. chap.
 de la 2. Epistre de S. Pierre. Et ne
 faut pas qu'ō alle chercher ailleurs
 la cause des maux. ou qu'on alle es-
 pier le ciel pour descouurir les e-
 uenemēs, selon la liaison de la pre-
 miere avec les secondes causes na-
 turelles, ou autres telles qu'elles
 constellations (cōme font certains
 folastres qui brouillent auiourd'-
 huy le papier, & se meslent d'escri-
 re du gouuernement des Republi-
 ques) car ce n'est pas de Saturne,
 Iupiter, Mars, ou des autres Pla-

nettes, 'que tel desordre & confusion tombe sur nous, mais de l'Apostasie & reuolte que nostre race a faite contre la maiesté de son Dieu dès le commencement. par ainsi l'Eglise de Dieu apprend par telles afflictions quels sont les pechez, elle y reconoit le tres-iuste iugement de Dieu, & son ire alencontre d'iceux, & luy en dōne louange à cause de sa iustice : ie portera y (dit elle) l'ire du Seigneur, pource que i'ay peché contre luy, iusqu'à ce qu'il iuge ma cause, & qu'il face mon iugemēt, il me conduira à la lumiere, & verray sa iustice, & mon ennemie regardera, & confusion la couurira, laquelle me dit, où est le Seigneur tō Dieu, mes yeux la regarderont, & fera bien

bien tost foulée en la bouë des
 rucs. Michee. 7. Car où est la foy
 des promesses de l'Eternel, là est
 la patience & esperance de sa mi-
 sericorde, qui fait que l'eglise se
 soustiét au milieu de ses afflictions
 & angouisses, persuadée du senti-
 ment vis & esprouué de la bonté
 du Pere celeste, qu'il adoucira son
 ire & son courroux pour l'amour
 qu'il porte au salut de son peuple.
 Mais il y a encores vne autre cau-
 se que celle des pechez, pour la-
 quelle Dieu veut que les siés soyēt
 durement exercez en ce monde,
 car, fut-ce pour les pechez que Io-
 seph fut ietté en prison? Dauid aus-
 si fut-il ainsi persecuté, assiegé, &
 enuironné tant de fois par Saul,
 errāt & vagabōt parmy les estran

gers, avec vn regret, & destresse extreme, pour fautes qu'il eust commises? Mais oyons ce que luy-mesme en proteste, & notamment au Psaume 7.

*Si mal pour mal i'ay voulu faire
A cest ingrat, mais au contraire, &c.*

Et puis apres.

Juge moy en mon equité

Et selon mon integrité.

Item au Psaume 18.

Or m'a rendu selon mon equité

Et de mes mains selon la pureté.

Autant en faut il dire de Iob, duquel l'Escripture ren tesmoignage, qu'en toutes les aduersitez qui luy suruinent, il ne pecha iamais, & n'attribua rien de defraisonnable à Dieu. Nous pouuons donc conclure

clure de là que ce n'est pas tous-
iours pour leurs pechez que les fi-
deles sont affligez, mais qu'il y a
vne autre cause proche, ascauoir,
afin d'examiner & esprouuer leur
foy, à ce qu'elle produise les fruits
de patience. Tenez (dit S. Iaques)
pour vne parfaite ioye quâd vous
cherrez en diuerfes afflictions. Sei-
gneur (disoit Isaie) ils t'ont visité
en angoisse, ta discipline les a fait
crier en plainte. Car le Seigneur
ne veut pas que la foy & inuoca-
tiō se refroidissent en ceux qui luy
appartiennent, par leur lascheté,
exces & débordement de vie. c'est
dōc la raison pour laquelle il cha-
stie ceux qu'il aime, Apocal. 3. Il
fouēte tout enfant qu'il aduouē:
il nous chastie pour nostre profit.

afin que nous foyons participans
de fa saincteté, Heb. 12.

Il y a plus, c'est que Dieu produisant en ce monde, comme sur vn theatre vn grand nombre de fideles tesmoins de sa verité celeste, contre le peché, blaspheme, incredulité & idolatrie abominable des hommes, permet qu'ils foyent affligez par les meschâs, voire mesme massacrez, pour la confession de ceste doctrine celeste. Car pourquoy fust ce que Cain tua son frere? Pourquoy le tyran Manassé fit il scier si cruellemēt le Prophe te Isaie? Pourquoy Apries massacra-il Ieremie? Pourquoy les Pontifes meurtrirent ils Zacharie entre le temple & l'autel? Pourquoy Herodes fit il decoler S. Iean Baptiste?

ptiste? Mais pourquoy (ô ville bõ
 relle) as tu massacrè vne infinité
 de personnes innocentes de toute
 qualité, & as induit les autres en
 ce miserable Royaume à faire de
 mesme à ton exemple? Car si tels
 massacres, miseres, & calamitez e-
 stoyent seulement les peines des
 pechez pourquoy l'Eglise de Dieu
 seroit-elle traitée de telle façõ, &
 toy cependant qui és l'esgout de
 toutes les immundices de la Fran-
 ce, la cauerne & retraite des plus
 grans brigãs qui furent iamais au
 monde, demeurerois tu à ton aise
 regardât de pres & de loin les tour-
 mens & afflictions des gës de bien
 que tu fais massacrer pour la con-
 fession du Fils de Dieu? C'en'est
 donc point à cause de leur pechez

qu'ils endurent telles peines, mais pour le tesmoignage qu'ils rendēt à la verité de Dieu, cōtre la maudite idolatrie, en quoy ils montrēt quand ils preferent la doctrine de l'Euangile à leur propre vie, que c'est vrayement & à bon escient.

Qu'il est vn Dieu qui iuge icy

Les bons & les mauuais aussi.

Et que la verité de l'Euāgile n'est pas vne fable, ainsi que l'vn de tes Papes abominables a esté si puamment impudent que d'auoir degorgé tel blaspheme, ces martyrs dy-ie tesmoignent en leur mort qu'il y a vne autre vie & iugemēt, ou il faudra (ville massacreuse) que tu passes condamnation, & rendes conte de tant de sang innocēt que tu as respandu.

Car

Car puis que Dieu a permis
 que par Neron tyran tres-cruel &
 horrible, S. Paul ait esté tué ores
 qu'il l'eust tant aimé, & tellement
 orné de ses graces, comme de luy
 auoir donné puissance de reuoker
 en son nom plusieurs personnes de
 mort à vie: il faut bien croire qu'il
 reste vn autre iugement, ou l'inno-
 cence de Paul sera recognuë & re-
 cōpensee, mais la felonnie & cru-
 auté de Neron condamnée eter-
 nellement. Ainsi pouuons nous
 conclurre de tous les autres, qui
 ont esté massacrez pour le tesmoi-
 gnage de Iesus: soit qu'ils ayent e-
 sté autrement accablez par la vio-
 lence des armes en guerre ouuer-
 te contre les ennemis de la doctri-
 ne Chrestienne. Car ce n'est pas

le lieu, ou le genre de supplice, qui fait le martyre, mais la cause: parquoy tous ceux qui pour la verité du seruice de Dieu soustiennent contre le diable, & les autres aduersaires de pieté, & combattent iusqu'à la mort, sont proprement martyrs de ceste doctrine, qu'ils scellēt par l'effusion de leur sang. Qui est-ce dōc qui osera blasmer la constance & vertu de tels personnages, qui, quād il est question de la gloire de Dieu, aimēt mieux perdre la vie, & à plus forte raison tout ce qui est pour icelle, comme sont généralement toutes les commoditez de ce monde, que de consentir & permettre entant qu'en eux est, que la gloire de Dieu soit soulee par les meschans, pour laquelle

quelle ils scauent qu'ils ont esté
creez & mis au monde? Que si en
toutes nations & en tous siecles
ont esté louez ceux qui pour le sa-
lut & conseruation de leur pays &
Republiques, ont employé tous
leurs moyens & deuoué leur pro-
pre vie: qui estce qui condamnera
maintenant ceux, qui voyans dissi-
per le bien de l'Estat, forcer & vio-
lenter tout droit diuin & humain,
supprimer l'Euangile de Christ,
dresser des ligues pour acheuer
de meurtrir & tuer par tout ce
Royaume ceux qui font professiõ
de seruir à Dieu selon les loix &
commandemens, qui est ce dy-ie
qui cõdamnera ceux qui d'une tel-
le sainte constance & resolution
se sont armez, & armeront pour

s'opposer à telle cruauté & barbarie ? il ne s'en trouuera point comme ie pense, sinon ceux auxquels le Dieu de ce monde ayant creué les yeux, ne peuuent rien voir, ne rien goustier, que ce qui est terrien, qui sont tellement endia-blez pour le seruice de leur vêtre, que despouillez de toute humanité, ils voudroyent volontiers faire la guerre contre le ciel, & l'escaler afin d'y aller debouter Dieu de son throne, que si nous voulons plus viuement contempler les mœurs & naturels de ces môstres d'hommes, nous le verrons en la personne de ce cruel Polypheme Roy de Sicyle, que les deux plus celebres Poètes de la Grèce Homere & Euripide font parler quasi en ceste

ste

ste façon.

Les grandeurs, les honneurs, les richesses aussi,

Sont le Dieu que chacun cherche en ce monde icy

Des hommes plus rusez. Ce qui est d'avantage

N'est qu'aux pourceaux niais un ap-
past de langage

De tous ces beaux discours du ciel,
du feu, de l'air,

Du centre de la terre, & de la han-
te mer.

Ie n'ay qu'un seul plaisir au fruit
de ceste terre,

Où ie depite Dieu & luy & son ton-
nerre.

Qu'ay-ie affaire de luy, de son ciel,
de sa loy?

Y a il aucun Dieu qui soit plus

grand que moy?
 Qu'il face de son ciel que l'eau sur
 moy degoutte,
 N'ay-ie pas pour logis ma grande
 & forte vouste?
 Soit que d'une guilee il me vueille
 tremper,
 Soit qu'il face sur moy force gresle
 tomber,
 Il ne me blesse riẽ, ie ne m'en fay que
 rire,
 Car dedãs mon chasteau soudain ie
 me retire:
 Où viuant plaisamment ie gausse
 tout le iour,
 A me moquer de luy, ou, a faire l'a-
 mour.
 Où i'eschauffe le cœur de ma houte
 poitrine
 De quelque bon bronet d'une souef-

ne cuisine,
 Oeilladant deuant moy le meilleur,
 le plus beau,
 Soit d'un agneau rosti, ou soit d'un
 ieune veau,
 Soit de quelque chapon, ou d'autre
 gibier, ore
 En me ruant soudain sur luy ie le
 deuore.
 Puis ayant la boison du tout à mon
 souhait
 Je me mouille au dedans de doux &
 fort bon laiët,
 Que si i'oy Iupiter tonner dessus ma
 teste
 Je say bien cōme luy faire telle tem-
 peste.
 Mais si voler sur moy vient un vêt
 d'Aquilon,
 Vent asprement piquant, roidif-

sant & selon,
 D'un souffle redoublé à force &
 grosse haleine
 Pour courrir & blanchir d'une nei-
 ge la plaine:
 Qu'ay ie affaire de luy, ie ne fors
 point dehors
 De belles douces peaux ie me cou-
 ure le corps,
 Et pres d'un beau clair feu reposāt
 aussi n'ay-ie
 Cure du vent mordant, ne de la froi-
 de neige:
 Quant au reste, il faut bien que la
 terre à foison
 M'apporte vueille ou non force
 fruiets en saison
 Pour nourrir mes troupeaux, qu'à
 autre ie n'immole
 Qu'au plaisir de mon ventre, & de
 ma

ma pance molle.

Le plus grand de mes dieux est l'v-
nique plaisir,

Que ie pren au manger, & boire à
mon desir.

Aussi est ce le Dieu, & le seul bien
en somme,

Que cherche le mondain, le prudent
& sage homme.

De ne se soucier, voire d'aucune loy:

Qui nous peut chagriner, & nous
mettre en esmoy.

Aussi ay ie pieça debouté de vi-
steffe,

Ceux qui mettoient icy les humains
en destresse

Par leurs diuerses loix car tant que
ie seray,

En liesse & plaisir à iamais ie vi-
uray.

Voila quelle est la deuotion de
ceux qui cōdamnent au iour d'huy
la cause des enfans de Dieu, & cō-
bien qu'ils ne fissent telle protesta-
tion, si est ce que par leurs fruiçts
ils mōtrent assez que la crainte de
Dieu n'a aucune uigueur en leur
cœur, pource qu'il se delectent tel-
lement en leurs meschâcetez, que
iaçoit qu'ils en soyent execrables
à tous, toutesfois ils s'entretien-
nent en leur opiniastrété, & tant
s'en faut qu'ils se repentent & de-
plaisent de leur malice & impidté,
qu'ils prennent plaisir ayans effa-
cé & aboly de leur cœur toute di-
scretion & difference de biē & de
mal, d'honnesteré & turpitude.
Vray est que c'est de l'abondance
du cœur que la bouche parle, mais
ores

ores que la bouche se taife, & que la main face, le fait ne fera-il point autant & plus que la parole? Mais ie vous prie, que peut auoir dit ou fait ce Polypheme, & les autres Cyclopes Sicilyens, que ces abominables ennemis de Dieu & de son Eglise n'ayēt fait & d'auātage? Mais il y aura icy des moyennēurs qui voudrōt dire que le mal estoit assopy, il n'estoit pas besoin de le reueillier, voire mais à quelle fin auoyent ils estāché le cours de leurs fureurs enragees? appelez vous mal assopy quand il se couue & fume pl^{us} pernicious que iamais? car où est l'homme remarquē de crainte de Dieu, & d'aymer le public, qui ait osé se presenter pour se plaindre de l'iniusti

ce, extortion & generallyement de
 tant de violences qui ruinent le
 pays? Les liures que lon a publiez
 pour remontrer aux Estats le bié
 de la paix, & le besoin de reformer
 vn Royaume à bon escient,
 de quoy ont ils seruy sinon d'aug-
 menter & enaigrir le mal d'avan-
 tage? Je cōfesse bien que si les cho-
 ses estoient entieres, que le Roy
 fust accompagné de sa Maieité, ie
 veux dire, que les Princes & vrayes
 Conseilliers de la Couronne fus-
 sent remis en leurs reng & liberté,
 que la iustice fust establie, que le
 peuple fust assemblé, le seruice de
 Dieu maintenu; lors il n'y a doute
 que qui s'armeroit seroit vraye-
 ment perduelle, car il s'armeroit
 cōtre la Courōne, & consequem-
 ment

ment contre le Roy. Mais quand on voit le renuersemēt des Estats, toute iustice oppressee sous le nō du Roy, Dieu blasphemé & son vray seruice supprimé, dira-on que s'armer contre cela soit s'armer contre la Couronne? Que ferons nous donc contre tant de desloyautez, perfidies, rrahisons, lachetez, entreprises descouuertes, meurtres, saccagemens, violemēs de femmes, & tant de mal-heuretez execrables commises, souffertes, louees, honorees & couronnees? pour la moidre desquelles on a iugé de tout temps, vn renuersement de Royaume bien fondé: tāt s'en faut que toutes ensemble ne soyent bon fondemēt pour vne defense, que iamais homme

non passionné (comme de nostre
 temps les estrangers en font foy, &
 la posterité le fera encores plus)
 ne le trouuera mauuais. Car, si la
 nature mesme accorde au plus mi
 serable de se defendre quand il est
 assailly: qui peut douter que cela
 ne soit grandement approuué en
 tant de Princes, Seigneurs, Gen
 tils-hommes, & tant d'autres ver
 tueux citoyens & suiets de ceste
 Couronne, contre tous droicts, li
 bertez, priuileges, frâchises, assail
 lis, enuironnez, assiegez, & tenus
 côme par le pied, iusques à ce que
 l'on ait moyen de les massacrer ai
 lement, comme on a fait vne par
 tie d'eux cy deuât. Est ce pas d'oc
 vne grande impudence, & calom
 nie en ceux qui disent que les af
 fligez

figez de telle sorte, quand ils le-
 uent seulement les mains au deuant
 des coups de la rage & felonie de
 ces mutins, veulēt s'emparer de la
 Couronne du Roy? Car si la Cou-
 ronne est l'authorité de la iustice
 mesme en la personne du Roy, à
 l'vtilité publique, pour le salut &
 conseruation de la Monarchie &
 communauté, que nous appellons
 proprement Maiefté, qui est-ce
 donc à vray dire qui veut s'empa-
 rer de la Couronne, sinon celuy
 qui la rend ridicule, non seulemēt
 en se moquant des edicts, statuts &
 ordonnances procedes du vray &
 naturel conseil d'icelle, publiques
 de l'authorité de la mesme Maie-
 sté Royale, selon l'avis & requeste
 des Estats legitiment assem-

blez : mais qui veut aussi forcer le
 peuple pour l'assuieſtir au plaisir
 d'une tyrannie effrene'e, au grand
 meſpris de Dieu, renuerſemēt de
 toute equitē & iuſtice, & à la con-
 feſſion de toute bōne police. Cer-
 tēs il n'y a perſonne qui puiſſe i-
 gnorer que cela ne ſe ſoit fait, &
 ne ſe face encorēs aujourd'huy
 par ceux qui ne tiennent aucune
 loy, qui veulēt meſurer toutes cho-
 ſes ſelon leur puiſſance & volōtē
 deſordonnee, ſinon celuy qui le
 veut ignorer.

Puis que l'authoritē du Roy eſt
 l'authoritē de la iuſtice eſtablie,
 celuy qui renuerſe la iuſtice, n'eſt
 ce pas luy meſme qui rēuerſe l'au-
 thoritē du Roy, & par conſequēt
 n'eſt-il pas à bon droit tenu pour
 ennemy

ennemy du Roy & de la Couronne? mais au contraire, celuy qui en tous & par tout s'est soumis pour obeyr à l'establissement de la iustice, y r'aportant toutes ses actions, si vn tel ne se treuve fidele seruiteur de la Courōne, qui est ce qui le pourra estre? Et qu'est ce qu'on pourroit alleguer cōtre les oppressez, qu'ils n'ayent fait leur devoir. Aussi tost qu'on leur a promis de releuer la iustice abbatue, on a voulu qu'ils se soyēt desarmez, ne l'ont-ils pas fait? Qu'ils se retirassent en leurs maisons, y ont-ils desobey? On a voulu qu'ils licentiasent leur armee, ne l'ont-ils pas fait promptement? Qui en a veu vn seul par les champs, sinon les corps de ceux que ces execrables

parricides ont desloyaumēt tuez,
lors qu'ils se retiroient en leurs
maisons? On a demandé qu'ils fis-
sent retirer leur secours estrāger,
ce qui a esté aussi tost fait & exe-
cuté.

On a fait vn bel edict, & pro-
mis merueilles. Mais au lieu de
courir par equitables deportemēts
les massacres, trahisons & im-
pietez precedentes, depuis vn an
de quelles meschancetez ne s'est-
on auisé, & qu'oublie on encores
a remuer aujourd'huy pour ame-
ner le Royaume à sa totale ruine?
Nous sauōs que le Roy, (quelque
leçon qu'on luy ait fait recorder,
pour auoir quelque cōtenance, &
ne s'exposer pas en risec, s'il estoit
muët apres tant de cōquestes, vi-
ctoires

& oires & voyages, dōt ses flateurs
 l'enyurent ordinaiement, & le plus
 ineptement du monde) ne sent en-
 forte que ce soit le danger ou lon
 le fait entrer. Et quand il seroit si
 mal heureux que de le voir & vou-
 loir de son propre & seul mouue-
 ment: si est-ce que sa volonté en-
 tāt qu'il est Roy ne peut & ne doit
 estre autre que iuste & raisonna-
 ble. Il faut donc conclurre de là,
 qu'autant de testes qui sont lors
 pres de sa personne, & qui luy con-
 seillent de faucer sa foy en rōpant
 ses edicts qu'il appelle irreuoca-
 bles, Roy sont autāt de tyrans, de
 rebelles & perduelles, qui ont cer-
 ché par là & cherchent encores au-
 iourd'huy à r'enuerfer l'Estat &
 honneur de la Courōne, en la rui-

ne & destruction du peuple. Ceux donc qui s'armēt pour s'opposer à tels tumultes & rauages, pourroyēt ils estre iugez rebelles? Mais à qui seroit ce? contre le Roy? Il n'y a point d'apparence, car, c'est vne regle infallible, ou les principales parties defaillēt que le corps y est manque, comme pour exemple, dirōs nous que ce soit le corps d'un hōme, quand la teste les bras & les iambes n'y sont pas, cela ne se peut dire. Nous ne pouuōs aussi non plus dire que la Maiesté du Roy soit de ce costé-là, ou nous voyons la iustice & la foy estre exilee & bānie, où les Pairs, tuteurs & protecteurs de la patrie y sont interdits. Puis donc que l'iniustice & la violence, qui sont les capit-

taux

taux & mortels ennemis de la Monarchie, du bien de la Couronne, & consequemmēt du Roy, se trouuent la part de ceux qui sous le nō du Roy ont espendu tant de sang en France & veulent continuer, il est tout euident que ceux qui s'opposent à telles pestes, doiuent estre reputēz & tenus pour vrayz & fideles seruiteurs de la Maiesté Royale, comme aussi ils le sont à la verité & de fait la cause pourquoy les ennemis les declairent criminels de lese Maiesté à deux chefs, le premier, pource qu'ils croient en Dieu, qu'ayans leur conscience formee de foy, d'esperance & de crainte de Dieu, ne peuuent, ne doiuent adherer, ne consentir aux impietez, blasphemes, idolatries,

superstitions, mensonges, impostures, trahisons, paillardises, yvrongneries, meurtres, ravissements, massacres & autres telles meschancetez, dont ce miserable pays est si chargé qu'il gemit & tombe sous le faix. L'autre pour ce qu'ils ne veulent attédre & endurer qu'õ leur alle couper la gorge en leurs maisons.

¶ S'il est donc ainsi que les Princes, Seigneurs, Gentils hommes, & autres fidelles & bõs suiects de ceste Monarchie, s'atmans pour la Couronne, & consequemment pour le Roy, ayent fait assez de preuve qu'ils ne cherchẽt leur grandeur, & encores moins la ruine du Roy & du Royaume & au contraire que leurs ennemis soyent perduel-

perduelles & ennemis du public,
 cruels, sanguinaires, possédé d'un
 esprit d'ambition & d'avarice,
 blasphémateurs, contempteurs &
 moqueurs de Dieu tout manife-
 stement, perfides, traistres & des-
 loyaux, & comme dit l'Apostre-
 ne tenans rien de ce qu'ils ont ac-
 cordé, sans affection naturelle,
 gens qui jamais ne se r'appaient,
 sans miséricorde aucune, cherchās
 en la ruine du Roy & du Royau-
 me & de tout ce pource peuple mi-
 serable & calamiteux, le moyē d'e-
 stablir leur tyrannie desbordée &
 intolerable : si par tant de bons,
 forts & inexpugnables argumens,
 tiréz de toute droiture & equi-
 té, si à l'exemple de nos ancestres
 nous sommes induits & persua-

dez de recourir à ce moyen extre-
 me de nous defendre contre vne
 telle rage & tyrannie effrenee: qui
 est ce qui doubtera plus que non
 seulement nous facions bien, obe-
 issans à ce que Dieu & la nature
 nous enseignent & commandent,
 estans esmeus par les iustes pleurs
 & gemissemens de la patrie, par la
 charité de nos freres, & la haine
 des ennemis de Dieu: si dy-ie no^p
 faisons non seulement ce qui est
 raisonnable, mais aussi qui seroit
 execrable s'il estoit oublié & de-
 laissé, car (cōme nous auons mon-
 tré) ceux qui font le tort & l'iniu-
 re, ne sont point seulement iniu-
 stes, mais aussi le sont ceux qui de-
 laissent & abandonnent les affli-
 gez, ausquels de droit diuin & na-
 turel

tuel ils sont obligez & tenus de donner secours & assistance. Il est vray qu'en vne si bõne cause nous sommes si peu, ie ne dy pas recompensez, mais reconus de nostre Roy, auquel nous faisons avec si grandes pertes & dangers seruice tant à propos, qu'il n'est possible de s'employer en temps plus nécessaire. Et d'autre part les calamitez de nostre patrie sont si grâdes, desquelles nous sommes non seulement protecteurs, mais aussi en partie auteurs, quoy que ce soit cõtre nostre volonté. Toutesfois puis que Dieu nous a fait ceste grace de nous proposer son seruice, & le repos du pays, pour uostre but principal, nous viurons en ceste esperâce, que la Maiesté mieux

confeillee, rendra tefmoignage, fi-
 non à nous, au moins à nos enfâs,
 d'une vraye & parfaite obeiffan-
 ce. Et quât au pays, apres que nous
 aurons pleurez ses miseres avec
 luy, nous nous affeurons, que le
 tefmoignage qui nous fera rendu
 par luy cy apres, ne fera poît moin-
 dre que celui que rendit Athenes
 à Trafibulus, comme auffi Rome
 au premier Brutus, & s'il s'en trou-
 ue autres qui ayent iamais esté
 nommez par leurs peuples peres
 de la patrie. Quoy qu'il en foit,
 marchons courageufement en ce
 chemin, nous ne pouuõs que nous
 n'aquerions vne belle mort, loan-
 ge immortelle enuers les hõmes,
 & gloire enuers Dieu. Car cõme
 dit Homere, en l'Iliade ii.

Defendre

*Defendre le pays d'un vertueux
courage*

*C'est un heur assésuré, c'est un tres
bon présage.*

Comme au contraire ayant fail-
ly en vne si bonne, si saincte, si iu-
ste & tant necessaire entreprise,
nous ferions à bon droit iugez in-
dignes de porter le tiltre de Fran-
çois, de Gentil-hôme & de Chre-
stien, voire serions condamnables
par les Payens mesmes, qui pour
l'amour, pieté & charité grande &
vrayement naturelle qu'ils por-
toient à leur patrie, ont esté si so-
cieux du bien, salut & conserva-
tion d'icelle, qu'ils n'y ont espar-
gné leurs biens, moyens & pro-
pres vies: comme nous lisons de
Brutus, des deux Decius, Traſibu-

L

lus, Codrus, & d'une infinité d'autres, à l'exēple desquels, au moins
 deurions nous apprendre en quelle
 estime tout hōme de bien doit
 auoir sa patrie, & combien il doit
 tenir cher le salut & defense d'i-
 celle, comme en parle Euripide
 poëte tres excellent, en la person-
 ne de Cassandre fille de Priam,
 Roy de Troye, quasi en ceste façō.

*L'homme sage de cœur, d'esprit &
 d'ame entiere*

*Doit auoir en horreur toute esmeu-
 re guerriere.*

*Mais si pour le pays on voit qu'il
 soit besoin*

*De venir au combat il faut ietter
 au loing.*

*Toute crainte & frayeur, ou si on
 perd la vie*

Elle

Elle reuit apres en honneur sans
ennie.

Mais celuy qu'o y void estre lasche
& couard

Cuidant sauuer sa vie il n'a ne los,
ne part

Al'honneur immortel, ains viuant,
à toute heure


Il meurt comme vn poltron, quelque
part qu'il demeure.


F I N.





Elle vint apres en donner sans
ennie.
Mais celuy qui y void estre la che
Et coura d
Cependant j'aymer la vie il n'a ne loz
ne par
Et donner immortel, sans craindre
à tout heur
Il vient comme un poisson, quelque
part qu'il demeure.


F I N



















J. J. J. J.

2700

100, 2

